


156
157

辛卯詩紀事
籤



陳氏叢書
聽詩齋藏

光緒癸未都門過夏旅情蕭索取明人詩閱之遂有紀事之輯至己亥閱十七寒暑錄詩幾四千家分爲十籤凡論明詩者莫不謂盛於宏正極於嘉隆衰於公安竟陵余謂莫盛明初若犁眉海叟子高翠屏朝宗一山吳四傑粵五子閩十子會稽二肅崇安二藍以及草閣南村子英子宜虛白子憲之流以視宏正嘉隆時孰多孰少也且明初詩家各抒心得雋旨名篇自在流出無前後七子相矜相軋之習溫柔敦厚詩教固如是也長安旅食劄劄爲艱先以甲籤三十卷質之同好至此集以紀事爲名無事可紀者亦廣爲甄錄冀以攬前哲之芳馥爲後人之貽餉云爾己亥秋杪黔靈山樵陳田

明詩紀事辛籤目

卷一

陳子龍 三十八首

曹學佺 三十一首

卷二

孫承宗 十三首

孫傳庭 四首

高名衡 五首

張銓 一首

傅梅 二首

鹿善繼 三首

南居益 一首

尹伸 四首

傅宗龍 一首

畢拱辰 三首

蔡道憲 三首

宋玫 二首

盧安世 一首

朱萬年 一首

張秉文 一首

楚煙 二首

黎弘業 一首

馬如蛟 一首

周而清 一首

馮一第 一首

盧象昇 一首

呂維祺 五首

謝璉 一首

李士標 二首

卷三

范景文 五首

倪元璐 二首

王家彥 一首

吳麟徵 一首

馬世奇 五首

凌義渠 四首

周鳳翔 一首

吳甘來 一首

許直 一首

申佳胤 一首

陳良謨 一首

汪偉 一首

金鉉 一首

劉理順 一首

卷四

劉宗周 二首

黃道周 十八首

卷五

徐石麟 十首

徐爾穀 一首

夏允彝 一首

夏完淳 十一首

眭明永 一首

眭本 一首

黃鴻耀 十九首

黃淵耀 二首

侯峒會 二首

侯岐會 一首

侯玄演 二首

王與胤 二首

王士和 一首

卷六

史可法 一首

袁繼咸 一首

黃端伯 四首

徐汧 一首

萬元吉 二首

彭期生 一首

吳應箕 十五首

江天一 一首

沈壽堯 一首

左懋第 一首

祁彪佳 二首

王若之 二首

楊廷麟 二首

劉同升 三首

馬懋功 三首

金聲 一首

麻三衡 六首

楊文驄 十一首

孫臨 六首

魏耕 五首

楊廷樞 一首

卷六下

韓上桂 四首

文震亨 五首

許士楷 一首

項禹揆 一首

卷七

黎遂球 十二首

陳子壯 十六首

錢棟 二首

錢枬 一首

林說 一首

張秉純 一首

李之椿 一首

黃周星 四首

鄭露 十三首

陳邦彥 三首

梁朝鐘 三首

張家玉 一首

卷八

朱繼祚 一首

張國維 一首

張肯堂 一首

張煌言 五首

馮京第 一首

錢肅樂 一首

陳函輝 六首

詹兆恆 一首

吳鍾巒 一首

楊文瓚 一首

林尊賓 一首

林洵 一首

卷八下

吳易 五首

楊文薦 一首

萬發祥 一首

溫璜 一首

楊永言 一首

梁于淚 二首

李待問 一首

林峭 三首

石隆 一首

凌駟 一首

卷九

何騰蛟 一首

瞿式耜 一首

張同敞 一首

郭之奇 四首

范文光 一首

揭重熙 一首

李含乙 一首

梁若衡 一首

鄺鴻 一首

朱實蓮 一首

邱懋樸 一首

鄔昌期 一首

馬士升 一首

蔣勸善 一首

譚先哲 一首

尹思民 一首

唐誼 一首

謝如珂 一首

卷九下

王錫充 二首

徐孚遠 二首

路振飛 一首

堵胤錫 一首

章曠 三首

李長祥 一首

戴重 十首

錢邦芭 二首

卷十

邢昉 五十五首

錢澄之 二十首

吳嘉紀 二十六首

王翹 二十七首

卷十一

屈大均 四十首

陳恭尹 三十四首

陳子升 三十首

卷十二

彭孫貽 二十八首

馮班 五十五首

紀映鍾 二十四首

卷十三

顧炎武 十九首

王夫之 四十二首

陸世儀 十六首

陳瑚 九首

卷十四

陳忱 二十四首

傅占衡 二十九首

余懷 三十一首

費密 二十五首

卷十五

杜濬 十四首

陶澂 十九首

卷十五下

胡承諾 二十六首

卷十六

徐枋 六首

巢鳴盛 一首

方授 二首

李成憲 一首

李確 六首

董樵 十二首

萬壽祺 二十二首

沈壽民 四首

李世熊 十六首

王錫闡 一首

黃澂之 五首

李雲龍 八首

談遷 七首

周岐 三首

林時益 二首

夏古丹 三首

張蓋 九首

周蓼邨 二首

戴笠 二首

卷十七

姜琛 七首

王嗣勳 一首

黎彭祖 一首

文祖堯 一首

魏禮 七首

徐夜 十首

薊過庭 二首

韓周 六首

彭士望 十一首

朱士稚 二首

姜垓 三首

王嗣乾 一首

黎彭祖 一首

張若化 一首

陳孝成 一首

戴本孝 四首

方以智 十三首

王光承 二首

梁以相 二首

姜安節 一首

張可仕 一首

嚴調御 二首

嚴敕 五首

卷十八

張若仲 一首

陳孝逸 一首

戴移孝 三首

方其義 三首

王烈 一首

梁以樟 九首

姜實節 四首

張可度 二首

嚴武順 二首

黃學謙 五首

文震孟 一首

蔣德璟 二首

文安之 一首

蕭士璋 五首

倪嘉慶 一首

喬可聘 一首

梁元柱 一首

齊心孝 一首

秦垌 五首

何楷 一首

吳馴 一首

陳仁錫 一首

郭都賢 一首

馮元颺 一首

金肇元 一首

黃宗昌 二首

何萬化 一首

姚孫棨 一首

王鳴玉 一首

黃景昉 五首

孫晉 一首

熊開元 一首

郭紹儀 一首

劉在朝 六首

李模 一首

區懷瑞 二首

卷十九

呂大器 四首

于穎 一首

龔士驤 八首

曹荃 一首

謝宗 一首

陸澄原 一首

陸錫明 一首

黃文煥 一首

賀鼎 二首

黃光 一首

高牙樞 二首

周鏞 一首

吳承燧 一首

林銘球 一首

姚思孝 一首

冒起宗 一首

薛宗 十一首

李世奇 一首

黎崇宣 一首

楊士聰 一首

陶汝鼎 十首

卷二十

文德翼 二首

劉侗 一首

張允掄 一首

潘世澄 一首

李奇玉 一首

陳天定 一首

許豸 一首

吳國琦 一首

汪國士 一首

張明弼 二首

朱芾煌 五首

凌世韶 一首

闕士琦 二首

黃日乾 一首

余颺 十首

秦鏞 一首

錢朝彥 一首

康范生 一首

張琚 一首

曾異撰 一首

卷二十一

湯來賀 一首

來集之 一首

徐芳 三首

吳中蕃 十二首

許承欽 一首

莊元宸 一首

倪長圩 一首

費經虞 一首

羅策 一首

萬日吉 六首

單恂 二首

高承鋌 五首

張璣 二首

郭萬完 一首

王倣通 一首

劉道開 三首

姚宗典 一首

宮偉鏐 一首

包壯行 一首

李寶 一首

周損 五首

蒙正發 一首

卷二十二

張溥 一首

趙炳龍 一首

周嬰 一首

李國相 一首

錢默 一首

張若義 一首

祝之至 二首

吳驥 二首

米元倜 四首

張采 一首

楊彝 一首

朱隗 二首

陳宗之 十八首

張澤 一首

魏冲 一首

潘一桂 二首

梅朗中 五首

趙相如 二首

俞南史 二首

方文 十首

葛芝 二首

顧夢麟 六首

顧杲 一首

葉襄 七首

周立勳 三首

許元功 四首

王潢 二首

蔣臣 一首

許振光 一首

徐白 一首

吳德操 一首

趙司直 二首

賀裳 四首
劉城 十五首

卷二十三

聞啟祥 二首

陸圻 四首

夏緇 七首

韓會駒 四首

陳梁 一首

李寅 二首

賀燕徵 七首
沈自然 四首

朱一是 十七首

卓人月 二首

趙韓 一首

韓釋祖 六首

錢士馨 一首

俞汝言 三首

祁鴻孫 一首

卷二十四

萬時華 十三首

徐世溥 十三首

王猷定 十首

舒忠讜 一首

陳晝 一首

卷二十五

于奕正 五首

嚴首昇 四首

趙士喆 十二首

宋璉 一首

馬猶龍 八首

余正垣 一首

李奇 一首

湯開先 二首

王衮 七首

莊祖誼 二首

伍瑞隆 二首

劉湘客 一首

張怡 十首

祁班孫 四首

茅元儀 二首

胡長庚 一首

余忞 六首

陳斌 一首

陳震 一首

常延齡 一首

劉孔和 九首

劉文炤 二首

吳惟英 二首

張怡 十首

李肇亨 三首

陳洪綬 十三首

龔賢 六首

卷二十七

王時敏 二首

金俊明 六首

崔丹 二首

歸昌世 二首

顧樵 三首

文枏 一首

周祚新 一首

張觀 四首

項聖謨 一首

金遠 一首

卷二十七下

許友 六首

徐柏齡 一首

汪珂玉 二首

來蕃 三首

徐繼恩 二首

楊補 二首

呂潛 十首

周容 一首

蕭雲從 一首

魯得之 一首

朱奪 一首

張穆 一首

卷二十八

張綱孫 十三首

柴紹炳 四首

朱鶴齡 四首

董說 十三首

湯傳楹 四首

胡山 十一首

吳騏 十首

曾燦 十一首

邱世望 十首

韓純玉 三首

沈謙 十三首

孫治 二首

顧夢游 五首

魏學泖 四首

繆永謀 十二首

韓洽 十首

毛晉 二首

胡介 七首

蔣之棻 六首

周篔 九首

魏允枏 三首

徐開任 三首

吳懋謙 十三首

李煒 六首

錢謙貞 五首

姜廷梧 二首

王啟茂 四首

陸嘉淑 二首

黎祖功 二首

卷二十九

王屋 一首

爰丹生 四首

張彥之 二首

徐崧 五首

錢光緒 二首

東蔭商 二首

陸繁昭 二首

鄭階 四首

陳祚明 三首

顧艾 一首

陳衍 二首

麻三雍 一首

何絳 三首

岑徵 二首

英上 一首

庾樓 一首

梁觀 一首

楊時暹 二首

陳宏裔 七首

楊麓 一首

王履和 二首

吳一元 一首

梁樾 一首

易訓 一首

梁可瀾 一首

趙煇夫 二首

凌彖 八首

凌潞庚 四首

季良眉 一首

孫模 二首

卷三十

李標 一首

葉珍 一首

孫纘祖 二首

蔣國榮 一首

蔣平階 一首

許孺 一首

黃輔 一首

叢一蘭 一首

范廷瓚 一首

馬鑾 二首

吳道約 一首

楊焯 二首

黃世康 一首

周蓋卿 一首

林璟 一首

方沂 一首

王之梁 一首

覃獻籙 一首

鄧右符 一首

黃文星 一首

璩一麟 二首

盧傳來 一首

李振聲 一首

戴于庭 一首

駱雲程 一首

張玉成 一首

朱文心 一首

吳為霖 一首

卷三十一

潘陸 二首

湯燕生 三首

范路 七首

湯濩 二首

陳確 一首

吳時德 三首

張光啟 一首

張致中 一首

陸啟滋 一首

張杉 二首

史玄 六首

趙渙 一首

顧有孝 一首

周安 一首

雷士俊 四首

王廷璧 一首

蔣人 一首

孫爽 一首

錢肅潤 四首

朱國漢 七首

陳三島 二首

譚雅 一首

王萬禴 一首

車以遵 一首

路澤農 一首

李沂 四首

談允謙 四首

王巖 二首

蔡仲光 三首

丁之賢 三首

徐晟 二首

盛斯唐 二首

方祖兆 一首

楊炤 一首

蔣之翹 三首

程奎 一首

屠爨 一首

李生乾 一首

徐篤 一首

何蔚文 一首

何大成 一首

陸來 二首

卷三十二

華淑 二首

王彥泓 二首

何述臯 一首

徐錫祚 二首

李麟友 一首

楊連吉 一首

葉有馨 一首

徐濟忠 一首

邵濂 二首

陳鴻 五首

張維 二首

錢孫艾 一首

秦徵蘭 十二首

林雲鳳 二首

薛始亨 二首

吳濤 三首

劉永滋 一首

王璉 一首

楊靜 一首

程廷橈 一首

錢秉鐔 一首

方穀 一首

卷三十三

吳用鈔 一首

王邦畿 三首

吳淹 一首

劉元祥 一首

楊誌 一首

周書 一首

程梧 一首

程九皋 一首

齊程 一首

彭堯諭 一首

鄧祥麟 一首

劉昌運 一首

閃知愿 一首

陳啟相 一首

卷三十四

傅爾元 一首

侯涵 一首

蔣易 一首

石可璽 七首

沈叔竑 一首

徐象婁 一首

陳濟生 一首

黃翼聖 四首

談亮 一首

王承之 五首

顧在觀 一首

沈祖孝 一首

閔鼎 一首

李景福 一首

邵似歐 一首

顧超 八首

潘問奇 五首

李潛 一首

張養重 二首

魏應星 一首

韋人鳳 一首

李瀚 二首

王貴 二首

苗君稷 一首

程岫 一首

明詩紀事

辛籤

陳子龍 三十八首



子龍字人中一字卧子青浦人崇禎丁丑進士除惠州推官改紹興遷南吏部主事擢兵科給事中福王時起原官魯王立授兵部侍郎兼侍讀學士事敗被獲投水死乾隆中賜諡忠裕有幾社稿陳李倡和集屬玉堂集平露堂集白雲草湘真閣稿三子詩稿焚餘草

吳偉業梅村詩話卧子負曠世逸才年二十與臨川艾千子論文不合面斥之其四六跨徐庾論策視二

蘇詩特高華雄渾睨一世好推崇右丞後又摸擬
太白而少陵則微有異同要亦崛起語非由中也初
與夏考功瑗公周文學勒占徐孝廉聞公同起而李
舒章特以詩故雁行號陳李詩繼得轅文又號三子
詩然皆不及當是時幾不辟易登臨贈答淋漓慷慨
意氣籠罩千見者莫不辟易登臨贈答淋漓淋漓慨
雖百世後猶想見其人嘗與余宿京邸夜半謂余
曰卿詩絕佳何首為第一余曰洛陽行一篇謂為合
日卿詩固佳何首為第一余曰洛陽行一篇謂為合
閣中戲號千秋此為第一余曰洛陽行一篇謂為合
風路回首長陵出塞年又李氏功名猶帶灑落
日海雲黃此余結法可誦者也余贊歎久之與
夏考功相期死國事考功先赴水死子為書報考
功於地下誓必相從文絕可觀而李舒章仕而北
擲輕則感慨流涕舒章久次諸生不遇流離世故
勉一官反葬請急遇舒章於九峯山中期滿北發
渡江而蘇李交情在五言未嘗不寄慨於此兩人
者曰蘇李交情在五言未嘗不寄慨於此兩人
陳李俱和集夏允彝云陳子之詩瀟灑動溢麗發
質徐孚遠云陳子之詩瀟灑動溢麗發
霞宋存楠云臥子其源出於太白文多超逸之風若

其涼壯明秀則龍標右丞之流亞也
明三十家詩選李雯曰卧子論詩以為詩貴沈壯又
須神明能沈壯而無神明者如大將統軍刁斗精嚴
及其鼓角既動戰如風雨而無旌旆悠揚之色有神
明而不沈壯者如典午名士握麈之分以樂府古詩論
不可以涉山川旨險難此英雄之不以樂府古詩論
之曹孟德雄而不英曹子桓英而不雄而子建獨兼
之以唐詩論之高遠夫雄而英而李東川英而子建
王之承則英中之才縱橫間出凡此諸家命意獨合而
兼之此卧子之才縱橫間出凡此諸家命意獨合而
獨於此子深有宗尚也
分甘餘話明末暨國初歌行約有三派虞山源於杜
陵時與蘇近大樽源於東川參以大復婁江源於元
白王麗時或過之樽源於東川參以大復婁江源於元
漁洋詩話明末七言律詩有兩派一為陳大樽一為
程松圓大樽遠宗李東川王右丞近學大復松圓為
劉文房韓君平又時染指陸務觀此其大畧也大
樽警句如左徒舊宅猶蘭圃中散荒園向竹林九龍
移帳春無草萬馬窺邊夜有霜九月星河人出塞一
城礎杵客登樓禹陵風雨思王會越國山川出霸才
石顯上賓居柳市寶嬰別業在南田四塞山河歸漢
關二陵風雨送秦師皆不愧古作者

靜志居詩話王李教衰公安之派浸廣竟陵之微頓
興一時好異者講張為幻關中文太青倡堅偽離奇
傲之言致刪改三百篇之章句山陰王季重寄謔浪笑
藥又交起搏戰日輪就暝鵬子鵠母四野羣飛卧子
張以大陰之弓射以枉矢腰鼓百面破盡蒼蠅蟋蟀
龍性堂詩話論胡人詩正大和平折衷風雅無如陳
卧子先生觀其答胡學博書畧云萬歷之季士大夫
偷安逸樂百事墜壞而文人墨客所為詩歌非祖述
長慶以繩樞甕牖之談為清真則學步香奩以殘膏
賸粉之資為芳澤是舉天下之人非迂朴如老儒則
嫵媚若婦人也鍾譚兩君者少知婦除極意空淡似
乎前二者之失可少矣然舉古人所為溫厚之旨
高亮之格虛沈實之分珠聯璧合之高自標置以致
海內不學之小生遊問之緇素侈然皆自以為能詩
何則彼所為詩既無本詞又鮮據可不學而然也夫
居縉紳之位而為鄉鄙之音立昌盛之朝而作衰頹
之語此洪範所謂言不從而可為世運大憂者也蓋
卧子當啟禎之時詩道陵夷已極故推明正始特表
何李王李諸君為昭代眉目至其論古詩則議于鱗

之專擬漢魏為規模不廣及自運亦時傲温李極藻
麗之致時際滄桑所著感事秋懷諸什悲歌激烈可
泣鬼神使不遂志早歿文章能事起衰入代非公而
誰
說詩醉語詩至鍾譚諸人衰極矣陳大樽墾闢榛蕪
上窺正始可云把把晚翠
田按忠裕雖續何李王之緒自為一格有齊梁之
麗藻兼盛唐之格調早歲少過浮豔中年骨幹老成
殿殘明一代詩當首屈一指

善哉行

登彼修陵有枏有檀言藉豐草思來無端一杳杳者夜纍纍
者邱睠彼常道能無懷憂二獸求其羣鳥鳴其私各懷所歡

我將告誰三壯士茫茫心煩意馳伊誰云憎日月無期四湛

湛江水或淺或深君子任時或陽或陰五夕飲醇酒朝撫鳴

琴古人不知憂勞至今六

長干曲

清淺在橫塘相逢素舸郎東風何太急吹汝上尋陽

石城樂

流鈴龍子幡吹過石城下疑是歡相迎風帆如駛馬

莫愁樂

打槳尋莫愁莫愁不還家當門搖淶水豔豔芙蓉花

三洲歌

相送巴陵口含淚上行舟不知三江水何事亦分流

韓原泣

秦兒歌楚兒舞高冠廣額咸陽買排玉闥登金堂九卿厠足

趨道旁一解朝入左掖門暮出左掖門堂前眾賓客一一乘朱

軒十日一休沐香藥雜上樽麒麟上君衣裏蹏佐君殮二解得

君歡可君意自謂百年長不棄恩去何時回情斷何由繫昔

如石在山今如水在地三解上君綬為布衣怒未止揭而歸西

市街鼓薩薩衛軍簇簇呼擺圍君家舍人先橫屍四解黃紙下

門已鎖金吾將軍夜列火緋衣御史來上坐出詔書一尺組

莫躊躕城頭搥鼓三更餘使者復上青驪駒何以載君廣柳

車五解田宅盡没官不得名一錢堂前眾賓客一一歸窮邊先

為人所畏後為人所憐六解

田按此詩為薛國觀作也其體仿弇州新樂府才力畧不相下

雜詩二首

勁翮有遐舉直木無繁枝邁往絕凡迹端正嘗違時世人重

容悅滑稽誰能期疾風歎振落橫流悲殆而既丁陰雨會曷
望康衢馳履榮豈永存執義恆在茲炯炯烈士心寒暑安可
移

逐時多近娛邁古懷長憂高節勵貞亮芬芳耀千秋日月逝
逾疾我生獨何求烜赫邀世榮傾側遞相仇葳蕤丹山鳳道
遙凌九州一鳴簫韶奏再鳴商爲周顯晦隨景運難與燕雀
謀曠哉唐虞際念此心悠悠

初入剡中

夙昔耽奇異久負名山期詎意肅于役心賞獲在茲高峯疊
遙巘曲徑沿迴溪沈沈迷積翠靄靄含清暉洩雲岫時沒急
雨瀨屢移青蘿被修坂絳樹灼陰崖迴互見別趣登降各異
姿碩人昔考卜荒途恆若斯心迹既杳冥衡宇亦參差抗懷
慚末代尙志徵前規終焉協要妙遲暮良可悲

陟桐巖嶺

耽憂自忘倦遇險若貽安尋源無盡澗躋峻轉餘巒干盤上
風磴百折啟雲關丹楓媚綺麗碧嶂竦巒岏含霧林樾潤翳
日藤蘿寒迴視萬壑底更見羣峯攢升喬意凌越憑虛神汗
漫術阡布霞路閭井出人間懷靈豈存境觀道託殊觀獨立
招予美疴矣摧令顏

題楊龍友傲襄陽雲山卷歌

巨靈驅卻剡中山移將煙霧留人寰滿堂雲氣動虛壁流湍
隱見聲潺湲昨夜有人山中還拂筇便欲相追攀但見千山

萬山溼不盡杳冥迷離白日閒龍眠山人腕欲脫襄陽漫士
天機活神姿出塵自瀟灑筆底空濛見雄闊自稱氣韻跨千
古俗格詎使荆關奪泗水沈淪五百秋雲山滿眼無人收楊
郎盤礴神遠遊欵袖揮灑天爲愁森然欲呼鬼神出玄猿青
兕中淹留米家橫挂殊矜惜新展吳綾百餘尺米畫不過三尺今改長圖
陰洞虛無松檜長深巖窮窅龍蛇拆茅屋高寒少行跡出門
浩浩雲濤積中有人兮歌白石此處雲林安在哉年年絹素
生蒼苔天姥峯頭丹欲就若耶溪邊花正開珊瑚爲杖玉爲
履攜手與君歸去來

平陵東

炎精中燼妖彗紅平陵松柏生秋風四十萬人頌符命巨君
卻在層城宮東郡太守建旗鼓排山動地連關輔五威國將
紛東馳大誥金滕亦何補滂宮薦棘雖無成天下始知稱漢
兵不逢時會豈失策猶與宛雒開先聲斗柄橫斜漸臺蹙白
水真人坐黃屋逢萌束帛卓茂封義公碧血無人哭男兒何
必上雲臺千古徒悲兩黃鵠

怨詩行

九江倒影揚素波洞庭微風鳴白鼉文狸赤鯉迎湘娥翠竹
泠泠蒙女蘿重華一去不復還愁雲萬古蒼梧山五臣八凱
竟誰在空令帝子凋朱顏凋朱顏墮淶水不見軒轅神鼎成
黃金如山映天紫日月光華閭闔開飛龍半負嬋娟子玉笛
杳渺流雕雲升天入地皆隨君小臣徒望青冥哭天路茫茫

竟不聞

東臯草堂歌

有序

東臯草堂者給諫瞿稼軒先生別墅也丙子冬奸民奉權貴意許錢少宗伯及先生下獄賴上明聖越數月而事得大白我友吳駿公太史作東臯草堂歌以記之時予方廬居駿公以前歌見寄因爲屬和辭雖不工而悲喜之情均矣

虞山巖水飛不息虞山先生高卧日黃門從此亦拂衣東臯平田二頃微翳然林木草堂靜單衣白帽娛金徽高談王霸神清竦江風獵獵水雲動當時有口每借人公業傾家非自奉應是清流同調多豈關失職交相重江湖何與中書堂當

門厭爾多芬芳田蚡久欲更延辨朱竝居然來上章十年放逐念京雒可憐入國雙銀鐙豈惟松桂無顏色長安城中煙霧塞金吾更向閤門歸告密人從丞相揖但令深文一獄成何難鉤黨千家及君王神聖揮太阿此曹深計空蹉跎左掖門邊十步地那知一往如流波舊疾雖痊留不得七月秋風下潞河道旁小兒戟手罵掩耳莫聽吳人歌大街陳屍誰氏子相公殺爾可奈何嗚呼男兒全身良不易自稱騎虎終難事可憐數載黃扉人未識千秋青史字何如草堂奚兀山之陽七檜偃蹇雲蒼茫飛觴樂聖凌滄浪吾聞檻車開一匡胥靡霖雨興殷商生平報國殊未央草堂何得常徜徉

月夜獨坐

攬衣隨杳冥雲霧共清深
明月常相見幽人愁至今
梧桐搖暮景蟋蟀斷秋心
屢夢姮娥冷天高何處尋

燕中諸詩

錄一

玉泉流不極野老說宣宗
看象臺邊卧牽牛水上逢
屬車驚雁鶩御幄冷芙蓉
欲望景陵樹雲山暝萬重

秋歸涉黃河

秋水下龍門黃河九曲渾
西來浮日月南徙劃乾坤
羣燕盤渦掠千帆折溜奔
茫然思禹迹何處是崑崙

寄青田令楊龍友

小郡分千嶂卑官共一州
秋雲通畫幔春水遇蘭舟
游女湖爲鏡仙人石作樓
羨君郎宿位乃傍少微留

處州上應處
土星故號

壬午除夕

一首

輝輝芳景逼冉冉壯心懸
日月商歌裏山川越望前
春風經晚歲朔氣動經年
愁絕蓬萊殿傳烽夜未眠
滿目愁無賴偏生此夕中
亂燈懸夜雨急管候春風
國事幾投袂鄉心任轉蓬
明當就詹尹何計學冥鴻

避地示勝時

故物經時盡殊方逐態新
恨無千日酒眞負百年身
芝草終榮漢桃花解避秦
寥寥湖海外天地一遺民

上元

雕雲遙映火城姿
窈窕湘簾萬戶垂
玉樹吐花千箇茗
虹橋結綵九長離
遺香宛轉吳歌細
墮珥玲瓏羯鼓遲
最憶燕臺

繁麗地內家裝束畫樓時

春感

春來花信杳難憑風雨高歌酒不勝消息龍鸞仙事遠飄零
鷹犬少年憎文章綺豔羞江左蹤迹淹留似茂陵終日掩書
廣武歎雄心深夜有飛騰

潤州

縹緲樓臺柳尚濃女兒江上障輕容巖城晴帶三秋雁孤嶼
寒吟五夜龍若見餘霞憐謝朓正當初月想王恭揚州十二
珠簾捲隔得煙波第幾重

望射陽湖志云陳琳墓在其側

古墓依稀見寂寥平湖十里怨迢迢是時才士多書佐此後

文人屬霸朝水冷漳臺餘繡瓦草荒淮浦對寒潮子桓便有
當年痛魂共應劉未可招

至後

至後玄風朔氣凝天街繞繞意誰憑東來戍火連三輔北望
寒雲滿十陵倦擲黃金隨駿馬時聞綠幘縱蒼鷹夜深不信
悲歌俗惟有嚴霜動玉繩

長安雜詩

瓊壺蔽帳侍宸遊十部龜茲在殿頭禁苑起山名萬歲複宮
新戲號千秋明駝宣賜朝陽閣紫燕傳封井幹樓上壽後庭
齊致語增成箋奏是誰收

八月大風雨中遊泖埕連夕同遊者宋子建尙木陸子

玄張子慧

獨上層霄極紫庭空濛天外出雲屏一羣秋雁幾時盡數點
海山何處青珠樹有風通弱水芙蓉細雨失湘靈虛疑芳草
人無限夜半揚船問杳冥

燕中秋感

紫塞透池鎖八陘薊門天險負滄溟山河中竦開黃屋日月
虛迴挂翠屏三輔金戈秋簇簇五陵銀海夜冥冥本朝尙德
興王業指點無勞論地形

遼事雜詩

昔年遊俠滿遼陽吹角鳴鞭七寶裝帳下紫貂多上客樓前
白馬度名倡雜牛屬國開新市射虎將軍獵大荒李氏家聲

猶帶礪斷垣落日海雲黃

重遊弇園

放艇春寒島嶼深弇山花木正蕭森左徒舊宅猶蘭圃中散
荒園尙竹林十二敦槃誰狎主三千賓客半知音風流搖落
無人繼獨立蒼茫異代心

錢塘東望有感

清溪東下大江迴立馬層崖極望哀曉日四明霞氣重春潮
三浙浪雲開禹陵風雨思王會越國山川出霸才依舊謝公
攜伎處紅泉碧樹待人來

庚辰除夕大雪時在越署

積雪層陰禹甸中蒼茫雲海度飛鴻上才授簡思梁苑侍女

藏鉤憶漢宮地遠金門慚月俸年過騎省畏春風西清玉樹
垂垂發滿眼瓊瑤路不通

天台萬年寺

迴合千峯嘉樹林蒼崖碧殿晝陰陰雲生薜荔虛巖動日隱
松杉絕澗深僧賜紫衣壇卓錫經傳白馬字函金更從閣道
凌飛磴悵望諸天清磬音

秋日雜感二首

金闕珠樓瑞靄中天門端拱萬友同鳳城南鎖黃河隘鳥道
西迴紫塞通三市銅駝愁夜月五陵石馬慟秋風玉泉不識
朝宗意依舊東流入漢宮

雙闕三山六代看龍蟠虎踞舊長安江陵文武牙籤盡建業

風流玉樹殘青蓋血飛天日暗黃旗氣掩斗牛寒翩翩入雒
羣公在剩有孤臣淚未乾

采蓮女

明知女伴情欲問誰能說對采芙蓉花相看各愁絕

上谷邊詞

期門小隊出回中帥府旌旗動地紅武帝神遊應汗漫黃榆
夜夜起秋風

曹學佺三十一首

學佺字能始侯官人萬曆乙未進士除戶部主事調
南大理寺正就遷戶部郎中出爲四川參政進按察
使中察典議調歸起廣西參議遷陝西副使留任桂

平道以私撰野史削籍崇禎初復官不赴唐王立授
太常卿遷禮部侍郎進尙書加太子太保事敗走入
山中投纒死乾隆中 賜諡忠節有金陵集挂劍篇
海色篇遊房山稿藤山看梅詩續遊藤山詩玉華篇
茗上篇錢塘看春詩遊太湖詩芝社集天柱篇春別
篇豫章稿江上篇潞河集武林草巴草蜀草雪桂軒
草湘西紀行浮山堂稿福廬遊稿聽泉閣稿夜光堂
稿森軒詩林亭軒詩桂林集更生篇賜環篇西峯集
西峯六四草等集

鍾惺隱秀軒集能始清深之才惜近日詩有淺率之
弊葉向高蒼霞草大理詩刻意三百篇取材漢魏下乃
及王右軍草蘇州

筆精閩中近製墨紗燈精巧異常海內爭重之曹能
始會於杭州逢元夕人家有張此燈者乃邀友人同
詠能始詩云質裂橫疑水光生薄似苔憑將彩筆畫
認作剪刀裁鳥向空中度花從鏡裏開細看若無力
不長曉風吹諸子罷唱
列朝詩集萬歷中年閩人曹能始迴翔棘寺遊宴治
城賓朋過從名勝延眺指紳則臧晉叔爲眉目布衣
則吳非熊吳允兆柳陳父盛太古爲領袖臺城懷古
爰爲憑弔之篇新亭送客亦有傷離之作筆墨橫飛
篇賦騰湧此金陵之極盛也戊子中秋予以銀鐺隙
日采詩舊京得金陵社集一編蓋曹氏門客所撰集
也

閩小紀謝在杭云曹能始詩以淺淡情至爲工不甚
學盛唐然其送西安太守云長安西望路漫漫秦華
峯陰日色寒長樂宮中秦輦絕未央殿漢鐘殘月
明渭水浮三輔花滿驪山繡七盤京兆風流誰不羨
時從閩閩畫眉看大懸以來罕見斯語予謂此詩尙
非石倉極境在杭學七子者故獨醉心於此耳
池北偶談能始官四川參政與監司謁撫按必於館
中別設一几隸人置書几上對眾一揖卽就几披閱
不交一言其孤亢如此
古夫于亭雜錄陳大樽明詩選於萬歷以下如湯義

仍曹能始不愧作者概置之鄧下無譏之列此則大
 誤龍性堂詩話曹能始先生云作詩如書者畫者奕者
 謳者擊劍者必藉師承指教而後當家若自作聰明
 雖極奇別終是外道旨哉言乎
 貴人贈詩閩中曹能始題一絕云性內本無文字障
 縱耽山水亦支離我曾一宿鵝湖寺峯頂禪師不要
 東南橋外詩話忠節五七律佳句美不勝收如過木
 瀆云夕陽湖正滿春草岸俱遙遊楊氏園云積翠沈
 波底斜陽到岸西泊大湖云遠峯銜月淺隔水度螢
 孤別喻宜仲云明月看時別清霜夢後知集南樓云
 秋老幾人猶白社月明無主自青山別吳子修云回
 首故山俱惜別出門新月便相思上已城樓卽事云
 三月風光臨上已兩條消息隔中華皆當時膾炙人
 口者
 明三十家詩選忠節詩秀骨清聲霞標玉映其辭麗
 以則其思深以遠才氣少讓陳忠裕而温婉過之
 田按忠節詩不矜才氣音在絃外其與到之作有矜
 羊挂角香象渡河之妙

登石竺山

息徒改俗轍尋仙騁雲轂谿路綿以紆山形拔而矗入初狀
 倏呈披輿境徐蓄千岩若層累萬樹信攢獨敷帷固甚密爲
 字何其複卽此乘虹飛因之賴鯉伏朱鳥現毛質玄猿衍類
 族託命於仙靈詎爲人所畜我來一叩之入門展欽肅耳目
 懾靈異鳥敢恣云欲

游匡廬詩

嘗聞歸宗寺舊宅爲羲之往往嘉樹陰亦能得清池古人雖
 已沒佳韻良在茲繼此代不乏始剏靡因資巍巍金輪峯下
 映石鏡溪湖水入我懷盈盈曲如規

西山紀遊

山遊已足佳況以湖爲逕復聞燕昭池懷古動清興潭泊非
一源中流滙諸勝大隄修且治方軌路猶剩士女同時遊稀
綵亦相稱願彼芙蓉花采采誰爲贈祇恐易凋落秋期不堪
訂眷子留戀懷遲遲此川暝

丹榴行

有序

貴溪被難時榴樹忽僵復爵仍活則榮瘁關之矣故
作

君不見信州丞相第十二高樓稱綺麗雕甍共倚黃金堂繡
柱遙連白玉砌瓊恩寶澤錫嘉名睿藻宸題照日明方圓法
式頒儀部多少金錢給水衡禎道文窗開扇扇極目欲窮西
楚甸靈山黛色稠疊來彭蠡湖光微渺見山川如故人事非

聖主元施不測威胥江已見浮鷗去華表空聞化鶴歸魂招
歸來上不得寂寂高樓徒歎息火燒崇墉落劫灰塵飛綺棟
無顏色可憐歿後見精忠青史相傳貫白虹欲知血淚何時
滅秋老榴花開尙紅

黃龍洞看太湖歌

君不見黃龍洞其深下無極視之但似蒼蒼色令人憂疑直
相逼既有異香縹緲從風吹又何以白骨倒挂枯樹枝我聞
老龍在此藏其軀至今千年知有無其靈既能興雲雨磔犬
祀之無乃誣龍乎好睡亦太嬾我欲擲石破汝眼爾胡不翻
大海波亦不潛深山裏在此區區一勺之湖水湖光雖有千
百里吾爲爾謀應未已但見日自西沒風從東來舉酒酌水

飲我一杯遠者七十二峯以羅列其近大雷而小雷有如雲
屏錦障蕩漾於水晶之宮盈盈進我雙金疊具區形勝盡於
此吳王霸圖安在哉但聞別館離宮滅不見牙檣錦席開湖
水暮兮悠悠蒼煙橫兮上浮羣峯杳兮乍收容亦去兮不可
以留我更呼龍夢中爲我語使我空山一夜愁風雨

田按忠節此詩騷情古意合太白東坡爲一手選家
從未見錄余讀石倉全集獲此一奇爲之一快

西溪看梅短歌

春雲忽渡西溪水溪畔梅花從此始殘僧寂寂時掩扉微滅
禪燈山雨裏山雨透迤沈暮鐘梅林此去幾千重渡頭客問
餘杭酒衣上雲來天目峯數年夢想遊天目誰云路接梅花
屋今宵驚竊聽

雞鳴寺

雞籠山色翠遙接落星岡校獵臺成阜栖立寺近塘園林生
蔓草陵寢閉殘陽幾代高僧住猶存說法堂

盧龍觀

丹梯登涉處高興在秋宵月下盧龍塞河邊靈鵲橋遂聲江
步遠劍氣冷城銷王謝留遺迹風流亦可招

秦淮秋怨

四序皆蓄意秋來殊可憐疏籬豆花雨遠水荻蘆煙忽弄月
中遂欲開江上船不知夫婿去仍會在何年

池北偶談徐禎卿洞庭葉未下蕭湘秋欲生一篇非
太白不能作千古絕調也曹學佺亦有秦淮一篇情
致殆不減徐

晚發罨畫溪次日登烏瞻山成宿

野酌戒揚船溪昏去復停淺沙催月白密樹誤峯青鐘出城中寺燈懸畫裏屏時聞清鎖發風急水泠泠

圓證寺

我聞圓證寺卽在碧崑隈積雪一峯阻看雲十里來僧厨流水曲香氣講經臺最喜茲幽徑松陰寂不開

絕塵菴

僧滇中人

一瓢營此地萬里住孤僧花竹疏如許峯巒險最能月來動清磬雨過閉殘燈試向禪心說誰當比上乘

與飛熊方叔茂之再到楊園

野人來不速地主展相酬春餘幾許色日須百過遊石移喧

水閣林缺敞山樓若使王程緩山中定可留

過胡彭舉賦答

昔時惟視友今日乍過君野色貧家積山情隱士分之言浚秋壑古思入寒雲坐久不能去應知勝所聞

立春日過雲居菴訪非熊茂之益公

虎林爲客日鷺嶺復春風山色一朝隔梅花兩歲同世情紛翦絲禪思合真空應識松扉掩冷然清磬中

春日西湖臨眺

清曉正佳色春煙開幾層漸黃知柳細逾碧見湖澄此際獨嘯鳥來時同梵僧平隄不覺盡還問有山登

白沙舊驛

委蛇窺地脈，俛仰託山靈。土著無三戶，溪光在一庭。少時供
客憩，終日是雲局。更有前峯路，貪幽未許停。

月下放泉

山泉久蓄聲，一決眾山鳴。松籟起相和，荷香濯更清。夜深聞
不寐，月白看光明。爲問枕流者，何如孫子荆。

石牌菴卽事

一雨懸秋意，孤燈接夜談。道糧資茗筍，僧爨雜煙嵐。法叱山
神護，禪容石丈參。開堂人已老，休念學瞿曇。

戊辰二日夜光堂及來江亭少憩

山堂稱稍僻，轉入草堂賒。梅晚枝猶健，江春色漸華。鶴糧資
拾椽，僧菜學燒畬。林籜看初改，檐前萬筍遮。

題元翰蘆溪精舍

家在南山南山光，映一潭夢多臨水闊。足豈向城諳，夜月懸
高壁。秋雲補舊庵，主人耽佛理。枯坐閉崑龕。

和徐興公春日閒居

茅屋春雲鎖，幾重朝昏兩度破。山鐘詩無宿債，輕酬客筆不
停耕。可代農社，日遠來滄海。燕花時喧動，隔林蜂杖藜。閒人
階前思草碧，苔青較甚濃。

華林寺看梅有桃花甚開

路迴城北思淒淒，寺倚屏山信杖藜。疏雨不曾辟，客入閒雲
元自任。僧棲參差蘭若香，分徑高下松根翠。作梯祇惜梅花
飛，欲盡不知春色在。桃谿

孟秋二日遊宴半隱園

青雀舟乘杳靄飛曲池偏傍列城圍荷間珠露移尊滿竹裏
金風入管微山氣半疑沈夜燭水紋全欲上秋衣和歌已是
知名士方外于今到者稀

贈周比部座主

秀出手神瓊樹枝清曹無事興透池為歌六代停杯起欲賦
三都載筆隨湖上日浮青玉案山邊秋映白雲司應憐身是
侯芭者得向門前獨問奇

送戚山人之內黃兼簡鄧遠遊明府

三月鶯花別故山萋萋芳草照離顏春光白下無多日夜月
黃河第幾灣置驛正當賓客盛弄琴遙識使君閒闌中易作

刀頭夢珍重休過博望關

漁洋詩話律句有神韻天然不可湊泊者如高季迪
白下有山皆遶郭清明無客不思家曹能始春光白
下無多日夜月黃河第幾灣李太虛節過白露猶餘
熱秋到黃州始解涼程孟陽瓜步江空微有樹秣陵
天遠不宜秋是也

太白讀書處在西巖

萬縣對山有大湖在頂上

石崑湖水片雲端落日輕風生碧瀾祠對江山千古絕酒酣

棋局幾時殘

相傳白詩云大
醉西岩一局棋

涪陵渡去名猶在涪州有李白渡蜀道

行來信是難一自金陵問消息無人指向萬州看

徐興公鄭汝交鄭孟麀直社平遠臺避暑分得五微韻

臺傍亭榭時盡修復

法界清涼暑氣微招尋無恙芟荷衣層層粉堞穿林出面

青山對雨飛江海迴環成匹練亭臺錯落似珠璣酒酣卧向
仙床上消息應同靜者機

歸卞山送施靈修之武夷

已盡長城勝雪中時返棹諸峯試回首一半在瑤華蒼弁人
將別烏程酒耐賒臺應過釣瀨關必度仙霞到處可為醉此
生甯論家武夷拾彩翠羽客飯胡麻折筍松梯直虹橋鳥道
斜得予同去好其奈阻天涯

九日石倉移舟登高

雲邊澗水落淙淙攜手煙霞物外蹤欲覓秋光何處是一層
崑壑一層松


遇無窮上人因憶去年雪浪之遊

錢塘門外來尋見雪浪山中記得曾欲問春光誰負卻年年
花發對殘僧

新林浦

夾岸人家映柳條元暉遺蹟草蕭蕭曾為一夜青山客未得
無情過板橋

池北偶談徐禎卿五集中有一絕云渺渺太湖秋水
關扁舟搖動碧琉璃松陵不隔東南望楓落寒塘露
酒旗曹能始新林浦一絕可以相敵



明詩紀事

貴陽陳田輯

辛籤

孫承宗

十三首

承宗字稚繩高陽人萬曆甲辰第二人及第授修撰
 進中允歷諭德洗馬庶子少詹事遷禮部侍郎拜兵
 部尚書兼東閣大學士人直辦事自請督師以原官
 加太子太保督山海關及薊遼天津登萊諸處軍務
 屢加少傅太子太傅太子太師少師左柱國進中樞
 殿大學士求去加特進光祿大夫罷歸崇禎初以原
 官兵部尚書守通州移鎮關門引疾歸大兵攻高

陽城陷被執投環死福王時贈太師諡文忠乾隆中

賜諡忠定有高陽集

國史唯疑解經邦推經畧抵死不赴而孫承宗前可
綸閣之重慨請行邊人臣請自往即此肝腸九廟神靈
代督師者實難其人賦送樞輔行邊詩稱盛事一洗趙
璧之矣時詞林共賦送樞輔行邊詩稱盛事一洗趙
文肅宿談公鐵面劍眉鬚戟張聲如鼓鐘殷動牆
列朝詩集公鐵面劍眉鬚戟張聲如鼓鐘殷動牆
壁方嚴果毅如斷山開誠坦中譚笑風發望而知
其人為偉人長德年三十餘為舉子仗劍游塞下
亭障窮阨塞訪問老將退卒通知邊事要善凡史官
在禁近者皆媛媛媿媿射為激切割直以聳動人
兒官公獨不然講進獻替務為激切割直以聳動人
主講罷有軍國大事大瑞傳語問難閣臣相顧失色
公拂衣奮袖縮尾厲角指畫其是非可否中人各有
所挾持無以奪也東事口亟舉朝請以東事累公遂
用是御門臨送詔書鄭重以漢諸葛亮唐裴度為比
天子御門臨送詔書鄭重以漢諸葛亮唐裴度為比
出鎮之初關門七百里外圻不設經營四年闕地
四百里徙幕踰七百里外圻不設經營四年闕地

古鑑卷二

一

興師大舉馮牙有日矣逆闖竊柄畏公與晉陽之甲
垂成而告罷已再起朝受詔而夕引道東便門之
役以安畿輔先帝深知公能辦東事公亦謝絕款議
城以恢復為已任羣小居中用事掣其肘其足然後
以恢逐之亦不能自也高陽失守入城南老營
噪而逐之亦不能自也高陽失守入城南老營
中用韋席藉地望關叩頭叱環者趣薛國觀猶
孫凡十九人皆力戰死於事間先帝震悼薛國觀猶
斬其郵典弗肯予久之用宏光詔書追贈太傅定諡
日文正公生於長方游學都下鍾嶸戴斗之氣負
燕趙悲歌之節作文章伸紙屬筆蛟龍屈蟠江河
競注秦疏書檄搖筆數言灑演延幕下書記多
鴻生魁士莫得而窺其盤說者以為高陽之詩信矣
粉澤卓犖沈寒元氣鬱盤說者以為高陽之詩信矣
靜志居詩話先生自任天危授命無盡瘁師中司馬
檄方馳樂羊之篋已滿見禍而作三十五忠者趙
十五忠詩蓋亦有感於瑞禍而作三十五忠者趙
書南星高總憲攀龍周侍郎炳謨楊副院馮副院
從吾何總督士晉左僉院光斗李御史應昇夏御史
之合周中丞起元繆宮諭昌期蘇考工繼歐張尚書
問達汪侍郎輝丁檢幹學鄧中丞承漢袁御史化中
吳總督用先顧憲副大章王尚書紀魏給事大中鄒

辛籤卷二

二

總憲元標王侍郎之案周主事順昌夏文選嘉遇周
御史宗建周少朝瑞黃御史尊素劉知府鐸萬郎
中燦吳御史裕中張都事汶趙宗伯秉忠公侍郎
孟參軍淑孔也東林之君子已得十八九焉先生之
言曰起三十五人於九京未必人人大有助烈而有
助烈者必此三十五人痛惜人才之至矣
田按孫公侍經筵進講嘉宗云這講官子甚省其說
是時大瑞王安高時明在帝左右舊東宮伴讀也故
公進講時得畢陳其說迫魏忠賢得志而帝先後判
若兩人矣公之督師雖由眾臣推薦亦自福清主之
故得行其志福清去而公亦相繼罷歸矣福清公國
子師也先是福清底其門生王化貞東事覆遠化貞
公請並熊廷弼下詔獄此事不無附和為國家惜
此邊才公近體絕句墓仿唐人特有風調奏疏皆一
時碩畫坐言起行有此偉才旋用旋罷國欲不亡不
可得矣

謁楊太常椒山祠

楊公負奇穎舞象成奇調孝友自天植義烈為譚笑兩疏志
竟酬一泓血未耗代隔名逾尊祚薄神復耀我來採芳芷灑

泣一憑弔

雜詠

汾陽亦麤官而動合至理君寵恩自渥寵去恩未已部曲即
散落國難忍不弭單騎豈忘身胸中早定矣其處觀軍容乃
成大君子相州九節度誰咎公無紀

入澗

渡口官河狹風波不肯前遠灘急倦鳥野宿傍漁船枕簟饒
秋意笙簫破暝煙停杯一以望孤棹月清圓

張太宰問達

三十五忠詩錄二

予登朝與太宰同官七品也又十年太宰躋大列子
猶七品太宰道廣而雅不早予每為予言相州韓稚

圭以予相州人而乃翁曾官相州萬泰間憑幾諸大
政予頗參大議則當事從予而太宰契予特深予行
塞太宰尋罷去無何以璫破其家而歿其門人黃閣
老爲言罷其通

太宰清通手登朝四十年弄丸一玩世夾袋幾掄賢家以殘
方破身從死更憐慙勤黃閣老一語報重泉

鄧中丞漢

中丞初備潞河兵予屬也擢薊撫相得驩甚然非知
兵也而精敏有幹局能以意繼岳中丞治悉意革虛
冒補賊帥廢缺矯然有後勁之思人故習江右風節
每言南藥胸中黑以書來不辨遵薊也其接何太僕

實以氣意而遭貶削卒後來者遂從中要議

按薊論脩守能名戚繼光中丞來訓練我武頓維揚揮羽習
鵝鵝投鞭驅虎狼如君凋落盡誰復念封疆

王華亭明府過舟中

欹側葛巾曳薜蘿那堪車騎漫相過蟠空鳧鷖雲鳥徹底
魚龍避玉珂馬踏橫塘芳草膩舟維野渡落花多人憐茂宰
崔秋浦白袷紅顏映碧波

楊柳枝

古來折楊柳多緣離別時春風知客意先長最長枝

聞笛

高樓當月夜遠思聚重檐玉笛誰家弄翻來昔昔鹽

宮詞

珠簾不斷春風度又報鞦韆翠輦過二十六宮渾見月知他
清影向誰多

悼鸚鵡

雪白梨花薛荔牆一聲初落曉風香別來故國三千里羞伴
烏衣語畫梁

小凌河

小山曲曲小凌河錦水成文總不波偶憶蓮花泊裏月一帆
風色伴漁蓑

朱大將軍罷鎮歸中前投函問我爲詩羨之二首

小隊曾遊白塔峪元戎初試黑崖道旁一喏千人廢八節

降王未敢過

朝慙一拜觀軍容胡騎千羣錦水東最是甯山餘勇在滿城
齊唱黑王公

孫傳庭

四首

傳庭字伯雅代州振武衛人萬曆己未進士除永城
知縣改商邱徵授吏部主事歷員外郎中擢順天府
丞以右僉都御史巡撫陝西擢兵部侍郎總督保定
山東河南軍務以忤楊嗣昌劾其託疾斥爲民下詔
獄就獄中起兵部侍郎總督陝西兼督河南四川軍
務進兵部尚書兼督山西湖廣貴州江南北軍務軍
敗沒於陣乾隆中賜諡忠靖有白谷集六卷

四庫總目傳庭有鑿勞錄已著錄史載崇禎十一年李自成自蜀還走陝西傳庭扼諸澄城分兵五道擊之降其驍將混天星等朝廷純以爲屏蔽十六年出師潼關降其偽將四天王李養純擒其果毅將軍謝君友自成懼謀降賊幾盡滅乃以中旨督戰值霖雨七日餉絕軍亂致敗遂沒於陣今證以集中澄城報捷諸奏疏一一相符惟史載崇禎十二年正月戊辰劉宇亮孫傳庭會師十八萬於晉州不敢進考集中官軍苦戰疏內稱解真定之圍救濟南之陷出口之役又率所統領將官兵戮力合戰事皆在正月戊辰之後又恭聽處分兼憑血忱疏內歷舉不從二十九日臣勉欲先發兵馳東安阮擊而督察不從二十九日臣勉發曹變蛟場國柱等兵先往次早復約督察同往或臣獨往而督察又力阻云云督察乃劉宇亮也據此則兵集不敢進其責全在宇亮傳庭特爲所牽掣耳

園居

不是耽玄寂吾生合隱淪煙霞支病骨山水愛閒身草閣全無暑花田別有春祇應成獨往魚鳥自相親

西溪舟泛

星漢仙槎杳扁舟樂意關白能專一壑何用訪三山萬事無過酒浮名好是閒漁鷗堪作侶竟日每忘還

送友人還里

梁園十月共清嬉愛爾人如玉樹枝四海論心惟我輩一時分手又天涯黃河水接龍門下大麓雲連雁塞垂極目關山情共遠與君重醉定何期

秋興

西風一雁下河洲客思悠悠獨倚樓窮塞不堪逢九月美人

何事隔三秋看黃把酒情何限對菊吟詩意未休欲向中原
舒望眼南雲北樹總關愁

高名衡 五首

名衡字平仲沂水人崇禎辛未進士除如皋知縣改
興化徵授御史巡按河南就擢石僉都御史巡撫其
地李自成三寇開封堅守不拔決河灌城泛舟出敘
勞加兵部侍郎以疾歸 大清兵破沂州死之乾隆
中 賜諡忠節有更生吟

題畫衣寄內五首

對月偏成憶臨風更有思鄉心無可寄聊寫最嬌枝
花枝嬌且妍置之在懷袖好記花枝新憐取衣裳舊

輕繻畫折枝悠悠感我思畫時腸已斷著時心自知
霧縠偏宜暑冰綃迴出塵著時憐百朵應憶畫眉人
客邸長安一世無畫長人靜影形孤閒將一段鵝溪絹寫作

名花百種圖

張貞渠邱耳夢錄余家舊藏畫衣一沂水高中丞筆
也蓋寫折枝墨卉於自練上羃以青紗而成之者凡
花卉二十種作三十二叢衣之前後及左右袂題
五七言詩句先夫侍御與先生同年相好過其邸舍衣
適成將以遺張夫人侍御公一見欣然自謂與日
生亦無難色及先生夫婦伏節同日并命可謂與日
月爭光矣而其平日風流自命柔翰關情如此母亦
靖節賦閒情故事耶

張銓 一首

銓字宇衡沁水人萬曆甲辰進士除保定推官擢浙
江道御史巡按遼東陣亡贈大理少卿加贈兵部尚

書謚忠烈有集

張林雜俎萬曆甲辰科兩張銓一大名人官參政一
沁水人以御史殉遼難俱乙亥正月二十八日生科
第子友皆同亦一奇也參政前守兗州有登岱詩後
姜士望使君重沁水勒詩於石不知其誤

山居

懶散厭逢迎屏居謝塵鞅卜築緣脩澗軒窗豁虛敞
向背聞雲互來往月印石潭清鳥鳴岩淙響迴颯松
雨藥苗長貪奇事幽尋即景得孤賞境遠淡物情機
息斷紛想身世遠寂寞終焉遂偃仰

傅梅二首

梅字元鼎邢臺人萬曆辛卯舉人除登封知縣擢刑
部主事以事罷官起台州知州解職家居大

兵下順德抗節死贈太常少卿乾隆中 賜謚忠節

有簡翁詩集

田按元鼎官登封時作嵩書前此盧元明嵩高記吳
筠嵩嶽靈跡皆畧而不詳嵩書十三篇號為賅備建
存古書院凡二室殘碑斷礎但有文字可識悉出荆
榛瓦礫中嵌於堂壁可謂好事又移戒壇石幢於衙
齋之前穆光肩贈詩云古壇欹側石無數慧日茫茫
起煙霧石幢壁立幾千秋苔碧土花空朝暮合君好
奇未可傳移來獨置小齋頭雕文篆刻重磨洗金界
靈光燭斗牛紀其事也

遇聖峯

仙人垂大耳石上採菖蒲漢主無仙骨重逢更有無

檀香峯

林是旃檀林外更無雜樹可怪卓錫人不在此峯住

鹿善繼 三首

善繼字伯順定興人萬曆癸丑進士授戶部主事以
事謫官起兵部軍前贊畫歷員外郎中告歸崇禎初
起尙寶卿進太常少卿再請歸 大清兵下定興死

之贈大理卿諡忠節有無欲齋詩鈔

孫承宗高陽集范陽鹿伯順以進士高第主計曹政
輒發金花餉遼神皇帝震怒索金花急伯順得謫歷
光熹兩朝起官遷司馬曹主職方政子兼樞務伯順
管章奏題覆從子行邊于後當居東則伯順推銓司
矣伯順辭銓居樞辭京畿居邊僅敘遷副郎遭瑞忠
從子歸口不言功亦不及今皇帝起太常管光祿
事請告其居東拓地四百里無一出伯順經畫而
光祿細大兼營無一不似發金花也旋里居江村遠
近及門之士無不服鹿夫子教今年秋敵犯畿南范
陽令謁公為守實無一備伯順以太翁命入城方走
尺牘空礮手高陽而不餉之兵不敵之城不聯之眾
心張空拳調練而敵已薄城伯順禦之東而西偏有
逾垣遁者敵遂登陣伯順攫白刃不避噫伯順死矣
世人利害之屬有窮通得喪有毀譽成虧至死生而

極子向固規伯順之一窮通齊得喪忘毀譽渾成虧
今乃親規其不二死生乎悲夫

孫奇逢曰譜伯順先生生平有三變為諸生時有嗜
書之癖飯不呼之常不應初登第一介必嚴萬人必
往故到處能循職掌人人驚為破格事榆關三年功
名之念已灰生死之關亦破每以朝聞夕死為談柄
故能從容就義而神不亂
李光地榕村集忠節鹿公詩如操筆直吐者而宛轉
曲至使讀之者若親見聞其義形之色憤慨之聲深
情遠慨足以敦澆振懦於無窮
田按天啟間魏忠節周忠介緹騎赴獄道出定興鹿
太公周旋營救無微不至義聲俠氣驚動一世暨忠
節以退老之紳守黑子彈丸之邑城亡與亡是父是
子江村一片地遂為節義之鄉煒矣哉

和人日抵甯遠有作示同行幕僚

舊雨寒銷臘新正日屬人三年從患難一意為君親戍馬肥

邊草征袍積寒塵甘泉烽火息紫氣滿彤宸

謁楊忠愍祠

此地拜先生昂然氣不平鬚眉常颯爽風雨益淒清想見埋
輪意猶聞請劍聲丈夫存本色千古藐榮名

隨督師行邊和韻

錦繡瑠弓小隊分歷憑沙塞指黃雲池南平野排魚麗直北
危峯過雁羣髀肉暗從鞍上盡雞聲誰共夜中間朝廷不吝
通侯賞幕府何人第一勳

南居益一首

居益字思受渭南人萬曆辛丑進士授刑部主事歷
員外郎中出爲廣平知府歷山西副使參政按察使
布政使入爲太僕卿以右副都御史巡撫福建遷工
部侍郎總督河道以忤魏忠賢削籍崇禎初起戶部

侍郎總督倉場遷工部尚書以事削籍歸李自成陷

渭南不屈死

田按思受不爲賊屈加以炮烙絕食七日死大節炳
然官福建時指倭刊徐與公鼇峯集蓋亦留心風雅
者也

從花源川入靈臺望玄象山簡家太史

夙齡慕遐蹈栖志在名山豈謂塵內蹤聊復事遊盤伊余攜
同好展眺緣清川花迷樵客路泉韻幽人絃雲端矚遙巘林
表披晴煙蒼麝戲蘭薄玄鶴下芝田耳目極昭曠眞賞契冥
筌升危戒顛躓撫已慙貞堅安得瑤華音一寄瓊臺仙

尹伸四首

伸字子求宜賓人萬曆戊戌進士除承天推官遷南

兵部主事歷員外郎中出爲西安知府歷陝西副使
蘇松兵備參政投劾歸天啟中起貴州參政解職去
崇禎中起河南布政使罷歸福王時起太常卿未赴
張獻忠寇四川被執死之乾隆中 賜諡忠節有康

樂堂集

田按子求以邊才起貴州參政其得黔報寄示兩子
云仕宦通黔籍時比於放流頃者因戎馬反名才見
收衰年履瘴鄉病軀親戈矛中子不樂聞况使老妻
憂其出黔城途次漫興云舊著歸田賦今成不職歸
蓋子求分守威清道貴陽圍解巡撫王三善將深入
子求煩贊之監軍西征三善敗沒子求突圍歸坐奪
官戴罪辦賊後頗有功猶貶一秩視事旋罷去所謂
今成不職歸也張獻忠陷敘州得子求重其名不殺
子求罵益厲遂攢殺之死事甚烈

病後田園雜詠

荒俗無筆畊仁義買寒饑曠論薄田舍英雄亦我欺糞車卻
走馬堯舜在一犁附郭多膏腴甲族所必規百里就燒塢豈
徒峯壑奇智力所不到其塗乃坦夷農惰自積習薄取給冬
炊百竈博一閒乘除敢自私人生活滿意難尙恐過其涯

出黔城途次漫興二首

舊著歸田賦今成不職歸貪趨王儉府愧息漢陰機用舍從
時論馳驅與願違生還差可喜風日駛驂騑
出郭三十里雲峯便不同村樓紅葉兩山磬碧溪風耕鑿甘
長賤琴書守固窮青山懸望眼沽酒問郵筒

小覺

秋蟲唧唧夜初長斗帳猶疑燈燭光一盞苦爭閒日月百年

誰共好林塘松濤挾雨瓦聲冷瓶水儲花幽夢香此際關心
竟何事五經全未入巾箱

傅宗龍一首

宗龍字仲綸昆明人萬曆庚戌進士除銅梁知縣改
巴縣徵授戶部主事遷御史監貴州軍加太僕少卿
以右僉都御史巡撫順天拜兵部侍郎總督薊遼保
定軍務以事奪官起四川巡撫召拜兵部尚書以事
繫獄起兵部侍郎兼右僉都御史總督陝西三邊軍
務兵敗死之贈兵部尚書加太子少保諡忠壯

宿邊城望軍營

獨上邊城憑曲欄戎旌獵獵背人看月華千里夜笳動星彩

一天秋帳寒只恐驚鳥棲不定其如旅雁度猶難愁來顧影
頻搔首燈暗軍門漏漸殘

畢拱辰 三首

拱辰字星伯掖人萬曆丙辰進士除朝邑知縣改鹽
城累遷淮徐兵備僉事改山西李自成寇山西城陷
死之乾隆中賜諡烈愍有珠船齋詩鳧溪存稿旅
詠馭餘系曜近草

濤音集王西樵曰僉憲博綜鴻秘不減曹倉鄴架萊
乘一編文獻所資為詩無恢詭驚豔之才而好摹青
藤謔菴諸公不無耶耶之恨然刈其榛蕪擷其若秀
亦復矯矯不凡其句如千峯低雁影十里辨龍腥讀
魏璫始末云紙上忠魂餘血淚人間羽黨尚鬚眉示
丙云精薄祗堪添鶴料局寒仍欲泣牛衣贈友云六
朝恨草貧相負八米新吟蹇自嗟又範成島佛金千
笏夢到江花筆幾床皆有別趣

贈都昌吳尉

萬里服微官鳴琴一署寒口碑酬眾易手板向人難公事花
間出故園天際看翩翩雙鵝鳥幾日下金灘

遊武宮觀道經雙鳳山

雙鳳何年峙茂祠高下憑蝸涎粘斷磬燐火續幽燈村吠
疑豹堂空虎是僧靈虛目注劉長生宮名方有待促轡不成登

贈李揮使造船瓜州

烽高海國已頻年舟楫何人問濟川北地雄風推李廣南人
長技數樓船曲江濤色千帆出浮玉鐘聲一水懸憶爾揚舲
東首日淮流三月碧於天

蔡道憲三首

道憲字元白晉江人崇禎丁丑進士除大理推官未
赴改長沙癸未八月秦賊張獻忠攻長沙城陷被執
磔死事聞贈太僕少卿諡忠烈有悔後集

靜志居詩話江門自序悔後集云悔後者何前日妄
作詩今日之作且輯之以俟後日之再悔也其虛懷
可見詩雖音節未諧而清婉越俗如移竹已抽三尺
荀種桃爭發一庭花又湘水清紫藤花落魚子生皆
不失為佳句
田按公死時年僅二十九其平日捕盜安毗之方臨
難備禦戰守之策偉然碩畫不幸寇眾兵單城陷被
執多方說降罵賊不屈至寸磔以死何其烈也集中
詩瀟灑出塵不得以尋常聲律繩之

偕元謨諸昆過東汝兄迎台閣晚挑燈小桃源分韻

南北相過莫厭頻秋衾夢繞白雲新何如小閣一尊酒迭作
名山兩主人醅醴只為公瑾醉寒花應著阮郎春殷勤石上

三金卷二
十一
栖燈火數尺溪亭環幾巡

送同寅周石拙之攸

爾我交情與古期
暮敲燈地夜深時
一天月好人方去
滿地秋清愁可知
無以別君惟有酒
若還憶我但看詩
官齋此夜仍須掩
癯鶴一雙卧北籬

留別諸葛士倫叔

欲別未應別
愛君愁語君
青山知送客
容易起秋雲

宋玫二首

玫字文玉一字九青萊陽人天啟乙丑進士除虞城

知縣改杞縣擢吏科給事中遷刑科都給事中歷太

常少卿大理卿擢工部侍郎以廷推下獄除名家居

大清兵下萊陽死之乾隆中 賜諡忠節

梅村詩話九青少穎異為詩學少陵愛蒼渾而斥婉
麗然不無踏駁當其合處不減古人嘗與余同使楚
楚嘉魚熊魚山竟陵鄭澹石俱九青同年到武昌相
訪鄭詩亦清逸其贈什日剖斗折衡為文章天下隻
東與萊陽謂我兩人也九青登黃鶴樓過小孤皆有
詩今失記惟憶其獄中言懷一聯云朋友誰與生
問朝廷今作是非看時上方切治苞苴而金吾微卒
乘之反行其姦利貪吏放手無罰而寸蹠尺縑輒加
逮治九青之語蓋實錄也過南中有云草迷三國樹
水改六朝山九青曰天下之山未有不由水改者其
用意精刻如此

晚秋窮居

養齋宜茲地多閒慮自輕
菊耽十月色梧領一秋聲
散病歡移坐思家遇送行
憂來只遠望無計出春明

悼舊

畫閣紅樓第一家會將玉珮向人誇祇今風雨清明後燕啄
香泥葬落花

盧安世 一首

安世字環水赤水衛人萬歷壬子舉人除富順教諭

超擢僉事遷貴州參議歷四川副使進參政請告歸

起四川參議張獻忠寇四川被執不屈死福王時贈

布政使乾隆中 賜諡節愍

田按環水殉節史傳不載其監軍遵義也卽水西之
沙崖古樓鎮南底水中澤烏江茶山羊崖版角黎民
吳馬口等十三隘置兵守險總督朱燮元成功以環
水守隘之功爲多史亦不詳余當爲環水作列傳以
補史闕

奢夫人

都督持威太自輕翻令順德據聲名君看九驛奢香路豈直
宜娘解用兵

朱萬年 一首

萬年字鶴南黎平人萬歷己酉舉人除定陶知縣改

中城兵馬司指揮遷戶部主事歷員外郎中出爲萊

州知府叛將孔有德圍萊詭乞降出城招撫被執不

屈死之贈太常少卿乾隆中 賜諡烈愍

田按朱公守萊以慈惠得民心崇禎四年援大凌河
遊擊孔有德李九成等叛於吳橋連陷郡邑公聞變
卽召同城官師士民條約二十四事城中戰守具倉
卒悉辦嚴士民逃城之禁權豪貴人寓居一齊以法
無得攔出於是危城中人人有固志賊百計來攻隨
方抵禦六閱月城中食盡和麩乾以餽捍圍者至啖
井泥公巡行撫摩士卒強起謹呼終無畔志時本兵
熊明遇主撫議文武大吏多和之賊知公得民心佯

禮講撫者且曰必得朱公出要我為信公曰叛兵殘
郡邑殺命吏自知不赦必無降理同事者強以行公
歎曰知府食祿為王臣此身固不敢惜借巡撫謝
出有德并執之猝攻城公給之日徒執我無益速以
精銳從我呼守門者出降賊果以精騎五百擁至城
下公大呼曰我被賊欺誓必死彼精騎盡在此可發
礮急擊之無顧我城上人以為公在不忍發公復頓足
大呼賊怒亂刺刃公大罵不絕而死城上乃發礮賊
精兵死過半後援兵至圍乃解萊人念公死甚烈且
先後有全城功以七月七日為公忌辰歌舞牲醴士
女拜祈者日萬計訖二百餘年弗衰

與友人論皮林事兼悼閔千戶

有序

永從縣皮林蠻當播逆發難時糾諸苗反佐逆攻陷
縣城焚五開衛播滅沉撫江公鐸會師命總兵陳公
璘等七道進討平之時萬曆辛丑三月也方皮賊初
起新化守禦所千戶閔公宗騫字繩武者奉檄以屯

兵三百進討孤軍深入直搗賊巢殺傷過當賊悉眾
圍之糧盡援絕力戰死賊四裂其尸三百人唯郝姓
一人走免先是公整隊出門時所乘馬仰首長鳴反
走不前者三公厲聲策之曰爾知此行兇耶丈夫得
死疆場幸矣既遇害馬縱橫躡齧賊莫敢近破圍疾
奔至家公妻薛見而號曰馬獨歸夫子死矣夜馬亦
悲鳴不食死璘等尋奏功亦公先剉其銳故易為力
而公死事猶未上聞也

播酋數十世其地千餘里一朝萌逆節誅滅因之始蠢爾皮
林蠻怒蛙居井底爾之所據險與眾復有幾持而與播較未
及身一指助逆已無功而尚不自揣居然破城邑浪欲謀不

軌懸知一旅來定作刀下鬼銅關鐵爲砦一笑豈能恃獨傷
千戶公全軍沒於此鬼馬獨歸來悲鳴亦同死旌忠猶有待
誰聒當路耳

張秉文 一首

秉文字含之桐城人萬曆庚戌進士授戶部主事歷
員外郎中出爲撫州知府歷福建參政廣東按察使
遷山東布政使 大兵臨濟南城潰死之贈太常卿
乾隆中 賜諡忠節有楚草閩草

茶洋夜泊

荒驛停孤棹遙村接暮煙湖寬全受月窗小半窺天溷酒蠅
無賴欺燈蛾可憐清光盈一水流恨此年年

楚煙 一首

煙字非煙曹州人天啟乙丑進士官戶部主事告歸
大兵下曹州抗節死有紫芝堂集

寄友人

今日飛鳥客真成采藥行山民供赤葛野客獻黃精從政兼
求道緯真豈累名自茲方去穀官舍未嫌清

秋日雨後有賦呈成穉元

煙斂青林豁風含碧竹新遙知孟處士孤賞對秋旻

黎弘業 一首

弘業字孟擴增城人天啟辛酉舉人官和州知州流
寇陷城死之贈太僕少卿

歷陽遺音黎公弘業守和州崇禎乙亥春賊破巢縣
郡戒嚴未幾賊退賦詩以勞郡士冬賊復至陷和州
公殉焉

賊退賦詩勞郡士

狂寇游氛漸繹騷忠肝在在切同袍微臣守土真吾分多士
登陣亦太勞燭影暗搖山月淡劍光寒拂曉霜高囊韃此日
清宵永摘錦窗前醉彩毫

馬如蛟一首

如蛟字騰仲和州人天啟壬戌進士除山陰知縣徵
授御史以事落職尋復官家居未赴流賊陷和州戰
死贈太僕少卿有訥齋集
一百五日同周六建魯過鶴嶼分得清字

尋春赴林壑芒屨覺身輕問酒樂同志聞鶯懷友生花飛新
樹密雨過亂流清聯袂穿桃隴人疑到赤城

周而清一首

而清字還之掖人崇禎丁丑進士授兵科給事中督
畿輔諸郡城守 大清兵下河間死之贈太常少卿

乾隆中 賜諡節愍

計偕寄諸兄弟

珍重開封字離情紙上看春風吹馬首昨日到長安

馮一第一首

一第字櫻公長沙人天啟丁丑舉人張獻忠陷長沙
被執不屈死之有代古詩一卷賁閣吟譜二卷

沅湘耆舊集根公先生以詩文雄湖湘間崇禎癸未張獻忠陷長沙先生走湘鄉將乞師他所賊下總檄徵求甚急先生作書卻之又作自弔文避亂改姓文以自悼賊檄再下度先生終不至乃繫其母與兄招之不得已就縛賊反復喻降不屈將斬之一老僧從旁伏地哭請免賊乃斫其兩手置營中一夕死母兄獲免先生清修介節廉頑立儒著述甚富尤精史學以所論著形為歌詠作代古詩斷自虞初迄隋季得入詩者四十九人謂李唐而下變詩為律稱近體無古詩遂止不作嘗與竟陵交竟陵招先生讀書寒河入詩社不赴古詩嚴冷幽峭不能盡脫鍾譚習氣

秋夜同陶仲調宿嶽麓

明月發深樹山氣窺清古躡子松間影徘徊快所吐秋天曠人思茲游結四五以子客中心憩我廬邊塢皎皎鐘聲內霜光如亭午菊風生露香澹然吟篆縷戀此終夜清憑樓俯江

清

盧象昇一首

象昇字建斗宜興人天啟壬戌進士授戶部主事歷員外出為大名知府進參政副使按察使以右僉都御史巡撫鄖陽擢右副都御史改撫湖廣總理江北河南山東湖廣四川軍務進兵部侍郎解巡撫任加督山西陝西軍務改督宣大丁外艱乞奔喪不允候代進兵部尚書 大清兵入牆子嶺賜尚方劍督天下援兵尋奪尚書以侍郎視事為楊嗣昌高起潛所撓兵敗賈莊力戰死贈太子少師兵部尚書廕錦衣千戶福王時追諡忠烈乾隆中 賜諡忠肅有集十

二卷

勝朝殉節諸臣錄象昇有勇略先後治兵十餘年身
經百數十戰親冒矢石未嘗挫衄為揚嗣昌輩所尼
屢起屢躡崇禎十一年大兵臨蒿木橋象昇督戰
以孤軍無援礮盡矢竭徒手格鬪身被四矢三刃而
死

失題

池邊雨細花落簾外風清日長呼童採藥蘿徑對客攤書石

床

呂維祺 五首

維祺字介孺河南新安人萬曆癸丑進士除兗州推
官入為吏部主事歷員外郎中告歸崇禎初起尙寶
卿改太常少卿進本寺卿提督四夷館擢南戶部侍
郎兼都察院右僉都御史總督糧儲進兵部尙書兵

潰奪職歸流賊陷洛陽被執不屈死贈太子太保諡

忠節追贈太傅乾隆中 賜諡忠敬有明德先生集

二十六卷

田按呂公以講學名臨難大節炳然詩頗風華亦如
宋廣平之賦梅花也

米家園

為園亦有米顛風想在城隅煙水中閣向西山收拾紫花從
內苑借將紅人常走馬邀詩客自說調鷗署海翁任許清吟
窮此趣難窮吾亦不能窮

米家童

閉門不惹九衢塵但向蕭齋問主人行處須教詩在握愁來
莫厭酒沾脣幽谿尋藥輸麋友隔嶺傳書勝雁臣除卻爐香

同茗椀居然無事一閒身

遊雙瓦官寺

逐日趨公至午殘多尋幽勝暫傳餐三山地老唐供奉雙寺
僧爭晉瓦官亂竹臺荒遊鳳趾寒楓洲冷放魚灘蕭騷意思
無人識自解囊琴對水彈

午睡

楊柳青青春去否上林花事竟如何小窗睡起無人語那得
當年春夢婆

落花

舞罷香魂不可招滿庭紅雨意蕭蕭夕陽枝上堆濃綠猶是
新妝簇翠翹

謝瑁一首

瑁字君寔監利人萬曆進士歷御史僉都御史
巡撫登萊叛將李九成等圍萊州出城撫賊爲所害
贈兵部侍郎乾隆中賜諡節愍有夢草堂集

許昌弔魏武

竊據雄圖勢凜然老奸末路亦堪憐才名父子無軒輊算局
君臣止後先橫槊氣消原上草分香花冷路旁煙黃昏車馬
牽愁處烏鵲還飛月滿天

李士標二首

士標字霞舉嘉興人博士應徵子國子生除上林苑
署丞遷甯海州同崇禎十五年冷口兵入山左所遇

州縣望風而潰州城陷死之贈尙寶司丞有蒼雪齋集

勝朝殉節諸臣錄山東甯海州同李士標崇禎十五年州城被圍力疾守城死妻沈氏一門二十三人同殉

木瀆道中

宿雨飛花路煙光漏午曦江暄衣乍減春去客先知新水始
濡棹亂山層繞籬雲歸滿西澗沽酒繫船時

秋日借卞潤父移棹虎邱

沿隄一舸逐秋風都載清尊二客同宿影乍移山店晚楓梢
初著水亭紅虎嘜北距通關路鶴市西來盡佛宮新月半江
人倚櫂同聽歌吹白雲中

明詩紀事

貴陽陳田輯

辛籤

范景文 五首

景文字夢章吳橋人萬曆癸丑進士除東昌推官擢
吏部主事歷員外郎中移疾歸崇禎初起太常少卿
以右僉都御史巡撫河南擢兵部添注侍郎以憂歸
起南右都御史就拜兵部尙書參贊機務以救黃道
周等觸帝怒削籍爲民起原官未上改刑部復改工
部兼東閣大學士入參機務京城陷投井死福王立
贈太傅諡文貞順治中 賜諡文忠有集十二卷

列朝詩集卷之三
顧曲每以江左風流自命一旦持大議抗大節屹然
與高陽定興並峙之際秦聲變而文天瑞楚調變
靜志居詩話越吟變而王季重正音掃地矣吳橋
博綜舊章領神羣雅其詩發揚而不厲新警而不佻
獨自成家不飲狂泉之水
田按公以救石齋削籍攷集中讜論當存人材可惜
一疏可見劫時相除名非其復夢章自南率九卿論劾
竹垞云未可輕信二萬之兵上銳意蕩平以撻代之
炳屬於熊文燦十萬之指揮原欲摧陷廓清洗而
海內民力九邊兵供其指揮原欲摧陷廓清洗而
空日勤令一撫兼行勢難偏廢也從來治盜之
法而權在日撫兼行勢難偏廢也從來治盜之
彼操縱自如不勤而撫兼行勢難偏廢也從來治盜之
一不日此撫彼叛朝暮外撫中叛今楚賊張獻忠
人散隊械不造舟此其逆萌叵測何隙狂逞儻養
問水市馬復造舟此其逆萌叵測何隙狂逞儻養
癰一潰破浪乘風加以江北旱蝗流亡載道飢寒之
徒易於響應墜濟豈有及乎論勤撫之局洞若觀火

明史本傳不載故詳錄之公論詩云余嘗笑文人多
事壇坫相高莫不欲盡易昔人所為獨雄千古不知
矯枉有過指摘適往者代生數人相繼以起其議
如波如吳下之正用脩近代之翻王李後必非先沿
為故事擬古造新入途非一尊吳右楚我法堅持彼
此紛囂莫辨誰是持論可謂平允故作詩不主張派
別秀穎清新秉鉞中原楚樞江左輕裘緩帶可想見
風流人豪公甲申殉難詩云孤臣空灑淚天步遂如
斯妖蝕三光暗心盟九廟知翠華迷草路淮水漲煙
斯故國千年恨忠魂遶玉墀蓋不知帝已殉國猶冀
蒙塵南巡也

石頭城

荒荒憑故壘傳是石頭城返照三山影江流六代聲露華臨
夜白天氣入秋清俯仰悲人代還看古月明

秋夜偶成

小立虛亭內遠香靜可聞伴惟邀冷月影欲殢涼雲傷晚憐

秋老含情坐夜分，深心何所寄酌酒取微醺。

客有詢近狀者書此以答

君問歸來事閒時，手一編飢臨乞米帖貧乏買山錢鶴性如人傲花枝近水妍猶容吳客至語帶五湖煙

和友人閒居之作

夜裏刪詩日看山，縱然忙殺也清閒。從教花落休開徑，除却僧來即閉關。性好積書終是癖，身無小病怕成頑。幽樓未盡聲聞累，鶴舞翻翻鳥語蠻。

戲贈同波上人

裏心已冷氣如虹，坐聽鳴泉說苦空。脫下袈裟調駿馬，教人錯認是支公。

倪元璐 一首

元璐字玉汝，上虞人。天啟壬戌進士，改庶吉士，授編修。進司業，遷中允。歷諭德、庶子，進祭酒，落職。閒住起。

兵部侍郎，超拜戶部尚書，都城陷，自縊死。福王立，贈

太保、吏部尚書，諡文正。順治中，賜諡文貞。有文集

十七卷，奏疏十二卷，詩集二卷。

陳子龍忠裕集鴻寶先生以英明天挺之才宏遠多識之學奏對則轅賈董掌制則追典謨闡經則並游夏執簡則儷南孤應酬之文辨雕所至已絕攀躡無溢美無虛譽與世之作者殊矣
靜志居詩話尚書晚築室於紹興府城南隅，聽法式皆手自繪畫，巧匠見之，束手既成，始歎其精工。時方患目疾，取程君房方于魯所製墨塗壁，默坐其中。堂東飛閣三層，扁曰衣雲，凭闌則萬壑千巖皆在。馬下適石齋黃公至，越施以錦帷，張燈四照，黃公不怡。謂國步多艱，吾輩不宜宴樂，尚書笑曰：會與公訣爾。

既北行遂列寇難開順治初尚存曩嘗攜舍弟千里
暇輒登焉今已鞠為荒草矣
無聲詩史鴻寶詩文為世所重行草書如番錦羅奇
月一機軸間寫文石以水墨生暈蒼潤古雅頗具別
致文心之餘緒也
陶元藻越畫見聞鴻寶畫幅山皆峻嶒兀稟林木則
蒼莽鬱葱絳法喜用大小劈斧不屑描頭畫角取媚
於人王香泉云吾生平頗愛天池書法脫盡俗塵及
置倪公行草之旁便如小巫見大巫無坐立處余謂
倪徐二家畫亦然蓋倪以雄深高渾見魄力徐以蕭
疏古淡見精神倪有忠義之氣流露毫端去人自
遠
田按公始釋褐不輕造謁首輔福清嘗曰三年無片
刺及吾門者只一倪君也思陵登極誅鋤閣寺朝端
水火未盡廓清公戊辰二疏雪東林焚要典石齋謂
公每一疏出如撞朝鐘上震廊序駭駭竊用一扼於
烏程再扼於井研偉抱碩畫訖不得展卒抱日與虞
淵同隕哀哉公詩頗近公安一派余擇其詞有雋雅
者錄二首嘗鼎一臠可知其味矣

御河新柳色

天孫春懶散機絲挂向章溝縷縷垂淺黛依微宜綴露柔枝
飄裊不勝鷗鷺人掌上千回舞臨本宮中十樣眉清蹕欲來
須整態何如張緒少年時

丙寅春日湖上偶成

歸來萬喜脫裝纏不是頑仙即醉仙縱酒何曾虛西日簡糧
剛不少寅年但愁蝴蝶夢難熟真信鷓鴣行復旋畢竟湖中
風雨細菟裘吾老志和船

王家彥一首

家彥字開美莆田人天啟壬戌進士除開化知縣改
蘭溪擢刑科給事中屢遷戶科都給事中改吏科擢
大理丞進本寺少卿遷太僕卿拜戶部侍郎協理戎

政都城陷自縊死福王立贈太子太保兵部尚書諡忠端順治中賜諡忠毅有集五卷奏議五卷

蘭陔詩話公之死昭忠錄諸書皆云守德勝門城陷自投城下死惟甲申傳信錄云寇逼王公坐安定門歎曰我總督團營今日城破萬死難贖且義不可污賊刃遂自縊於城樓未幾破發城樓覆後出其尸於瓦礫中其甥楊負而殮之按蔣公德璟誌公墓云初守阜城門久之移安定門張公肯堂詩郵疏云三月初一日守安定門至十九日賊從別門入公望關即頭遂自縊死是傳信錄之言為有據惟收公尸者為義士鄭而泉名淫教諭聞之父三山高兆記其事甚悉非楊甥也

城頭秋感

漠漠寒雲起暮笳煙塵猶未退戎車壁門明月臨青海朔野霜風捲白沙幕府夜闌蛩復切巖城秋老菊無花可憐關塞淒涼甚荒塚曩曩數萬家

吳麟徵一首

麟徵字聖生海鹽人天啟壬戌進士除建昌推官改

興化徵拜吏科給事中改刑科以憂去起吏科都給

事中進太常少卿都城陷自縊死福王立贈兵部侍

郎諡忠節順治中賜諡忠肅有集

樵李詩繫崇禎時言官章正宸莊鰲獻以建言下獄
磊齋疏救庚辰大計與祁彪佳矢志澄清時論快之
時盜賊猖獗民生凋瘵屢乞身任危疆不許又請整
飭江南為京師援應假南司馬以權為羣議所阻賊
既陷秦前後屯失守甯遠孤懸二百里外三面皆絕
域守禦甚難督撫臣請撤甯遠兵守關門廷議不
決齋齋獨言遂撤宜又為議數百言約六科共陳之諸
人不肯署名遂獨疏其事疏留中遂寢甲申三月十
五日磊齋奉命守西直門十七日賊至城下攻甚急
為衝柵撞城廡舍皆壞磊齋引門為楯門被三矢急
貫木磊齋屹然不少卻是夜天微雨賊發大礮碎几
案端坐自若十八日賊偽樹勤王旗叩門中官欲納

之齋復以重賞購健兒絕城殺賊百餘人賊大至齋拒之入宮誰為起姑還守所明日司馬門議之齋上歸叩頭號泣而去十九日賊從德勝門入齋齋步歸邸已為賊據因入道左三元祠欲自經家人請待祝孝廉至一訣許之二十日祝文丞相零丁慷慨與別曰昔吾登第夢一禍衣人咏文丞相零丁洋詩曰此劉宗周也數實為之今老矣山河破碎不

鷓鴣行

山林畏豺虎川澤畏鷓鴣鷓鴣大身嘴項有百石壺挈壺赴春波杼水如輓轡鼓翅風雨驟所集無渟汗巨魚擲千尺力

絕僵泥塗小魚濡沫乾駢首安就屠羶腴飽饑吻狼藉沾諸雛果腹坐磐石睥目思江湖方笑揭竿勞終覺網罟愚瞥然雙屬玉儂佯意何殊喙微毛領單頗似有道癯飢虛緩行躅鞠躬俯寒蕪翻遭鷓鴣噴碎嗑聲氣麤鷓鴣亦有云其云多矯誣一云丹穴王竹實供天廚再云隨陽使稻梁事踦蹶茲爾瑣尾臣致身在菰蒲鱸鮓方發發鯤鯨正于于颺爾頭上絲保爾一捻軀在梁幸可託珍物干天誅佞哉老鷓舌凜若操戈受神鷺不吞鯉况乃受押掄高踔謝饗登香向青冥呼始信百族中具有穿窬徒除惡務其本敢用詛司虞

馬世奇 五首

世奇字君常無錫人崇禎辛未進士選庶吉士授編

修慝諭德進庶子都城陷自經死福王立贈禮部侍

郎謚文忠順治中 賜謚文肅乾隆中改謚忠肅有

文集五卷詩集三卷

敢頌兩朝遺詩公詩春容穠麗居然唐人風格
靜志居詩話馬公清德奉使諸藩餽贈一無所受此
還朝夢中吟文信國詩從今到卻江南日化作嘯鵑
帶血歸蓋殉國之志已素定故先兆於夢云
梁溪詩鈔公及門中殉甲申乙酉之難者前後五十
餘人

送文正之歸晉絳

晉水吳山一短篷雙柑斗酒語匆匆浮名久已干時忌莫更

逢人說馬融

寄贈姚孟長吉士

廿載青雲捧日心夜分蓮燭對沈吟治安策就還流涕不為

君王賦上林

贈項仲展守雅州

分得銅魚萬里懸黎風雅雨舊謠傳借君五色媧皇石為補

梁州小漏天

送劉吉侯侍御按貴州

山環羅甸峰皆拱江引牂牁水正朝但得尺書賢十部漢家

誰許夜郎驕

孟嘗君養士處

俠氣千年大海東猶將鄒魯薄齊風即今飽食官廚者幾似

雞鳴狗盜雄

凌義渠 四首

義渠字駿甫烏程人天啟乙丑進士除行人遷禮科
給事中三遷兵科都給事中出為福建參政歷湖廣
按察使山東布政使拜南光祿卿入為大理卿都城
陷自經死福王時贈刑部尚書諡忠清順治中 賜

諡忠介有集六卷

四庫總目義渠服官以清操直節受知莊烈帝文集六
卷乃其友徐汧門人姜垓所校定中間不載奏疏一
門故平生建白如為給事中時請原三河知縣劉夢
煒責償餉銀疏論亂足焚掠巨室疏論大臣籍制言
路疏論中樞不職疏論策江東叛亂及請陽撫陰勦
諸疏皆其風采之卓卓者今並不見其本集則編次
時亦不免有所脫遺然如兵餉議清慎勤論諸篇剛
毅自立之象凜然猶可概見其崇化論有云能為逢
此者視碎首濺血仍無異於退食委蛇能為申生伯
奇者視抱石維經仍無異於問安視膳蓋生平立志
如此卒之見危受命克踐其言固與口孔孟而行躋
陌者區以別矣

啟禎兩朝遺詩公詩深靚幽潔如其人
靜志居詩話凌公詩義見者解頤嘗與閔文學元京
共排續香煙錄董上舍斯張稱其冷豔畢臚比之吳
均入東記及官禮垣封事四十餘上皆切中時弊溫
輔以吏才稱之轉外溫既謝政入為大理臨難之頃
從容就義惟悉取生平撰述焚之為可惜也公清介
特甚田廬一無所遺身後二十餘年猶未井椽江都
吳綺園次守吳興時夫人閔尚存園次肅拜堂下秋
深矣向衣葛衣練裙退而歎息以鹽鼓魚菽遺之且
下地葬公於驥邨之北為文祭之

微雨

一雨飄何向因風不盡同幽涼起暮色迷漫結秋空冷鋪投
鞍入荒山覓路通隔溪煙縷縷愁望是湘中

河行即目

撼地殷天勢欲吞蕭蕭竹笠繫何門荒祠古像隨流塌茅屋
窮黎逐水奔涼窶不堪裝更薄縱橫怪爾盜猶存風波咫尺

艱如許竟日沿洄只遶村

滿酌聊將濁酒沽行行轉復怯前途四圍草樹兼風猛一帶

茅茨照月孤飢鼠欲來燈已暗曠壁不止夢全無可知一夜

寒侵骨纔說經秋意蚤枯

重過茶池亭

驅車往復此山鄉列障參差亞短牆一掬冰棱添茗苦半凹

石路帶楓香誰同遺老銜碑冷好續前遊引夢長墨瀋重尋

俄八載暗中星火照人忙

周鳳翔一首

鳳翔字儀伯紹興山陰人崇禎戊辰進士改庶吉士

授編修歷南司業進諭德都城陷自經死福王立贈

禮部侍郎諡文節順治中賜諡文介有集

啟禎兩朝遺詩公詩清麗無館閣穠重之習

靜志居詩話甲申三月之變文介授命獨遲十九日

城陷語吳莊介云臣子義在必死然必一視大行殯

宮縞素痛哭方可無憾爾二十一日赴東華門茶棚

下舉哀復匍匐至邸自經絕命詩云碧血九原依聖

主邱公頭二老哭忠魂時親猶具慶也於時大學士宜

賊帥劉宗敏刑辱備加猶罵不屈何守者稍懈乃

就盜論者責其濡忍至受羣盜之侮不得與忠臣之

列文介東華之論是天既不受賊帥之拘而萬舌一辭免

欲遊惠山因雨不果

眇眇予懷繫青山思不禁溼雲籠野塔疏雨作溪陰花徑柴

門迴泉源石竇深夢中好識路清夜亦相尋

吳甘來一首

甘來字節之一字和受瑞州新昌人崇禎戊辰進士

授中書舍人擢刑科給事中改吏科兵科進戶科都

給事中都城陷自經死福王立贈太常卿諡忠節順

治中賜諡莊介

西江詩話甲申逆闖犯關和受義不屈具冠帶從容
自經死先一日賦絕命詞云君臣義命乾坤晚孤鼠
干戈風雨秋

卽事

霽色開遙浦雲蹤寄水萍流深魚穩穴樹密鳥窺人橫笛吹

江閣開樽覓野鄰高原濃翠染隨意拾芳春

許直一首

直字若魯如皋人崇禎甲戌進士除義烏知縣改惠

來擢吏部主事遷員外都城陷自經死福王立贈太

僕卿諡忠節順治中賜諡忠愍

楊廷撰一經堂詩話舊志載忠愍公墓在如皋縣南

三里馬塘河高家橋東撰按忠愍死後并未歸葬故

里今吏部文選司署有許公祠祠內函骨木匣尙存

大按流賊薄都城中李調元碑文可證

何城陷人莫知帝所約同官爲死守計貸金饗士亡

甫出見賊衆縱橫以返日事勢至此出將安之今

國亂不肯隱忍播越以貽國羞乎俄聞帝崩自誓曰

贈辟疆有序

字義卷三

十一

歲庚辰江南北蝗飛蔽天赤旱千里吾邑斗米千錢
僵尸載道辟疆盡廢百口之糧捐金破產躬自倡率
開賑日待哺者四千餘人而撫軍道鄰史公兵憲禎
臻黃公司李佐平湯公咸傾心倚重各有捐助下檄
邑令資辟疆以佐其乏余冬自都門返見之感且愧
力貸多金始終明夏爲期之議殘臘凌冰復偕予勸
賑四鄉辟疆之心力苦且竭矣余不媿詩作五古紀
事代飢瘠爲仁人致頌焉

皇天蔽視聽虐此無辜民旱魃吐赤燄螟蝻飛紅塵平曠一
望枯溝瘠化青燐爲富鮮憫恤閉糴封高困吾黨有義府冒
于志嶙峋傾糧周缺陷鸞產繼宏仁哀鴻數千百飽煖生陽

眷當事洵喬嶽倚君如其身帑發恣出入節慎見經綸鄰邑
望風至廣賚飭苦辛甯止麥舟助圖繪鄭公倫余亦切同體
胡爲徒撫膺稱貸佐毫末杯水聊相因君復廣同善四郊履
層冰頓使窮鄉遠亦得起殘生鴻慈裕經術真誠貫鬼神短
言代口碑他年擬勒銘

申佳胤

一首

佳胤字孔嘉永年人崇禎辛未進士除儀封知縣改
杞縣擢吏部主事遷員外降南國子博士歷大理評
事遷太僕寺丞都城陷投井死福王時諡節愍順治
中賜諡端愍有集六卷

四庫總目佳胤集爲其子涵光所編卷首有家傳稱其
於詩好稱李夢陽何景明今觀所作與何李頗不相

似大抵直抒胸臆如其為人但體格尙未成就且不
免浸淫明末纖仄之習然凜然剛正之氣足使後人
起敬不敢復以詩格繩之言以人重鳥可沒也
靜志居詩話申公治最中州及考牧近畿聞寇逼居
庸郡縣望風奔潰或勸母入都慷慨流涕曰固知京
師不支如天子孤立何疾馳以入時三月十二日也
徧謁大臣畫戰守策皆不省城陷自投王恭廠井中
其詩娟秀不豈不存近劉半舫一派

咏古

花敷宮院不知秋曲曲清歌夜夜遊安得阿婆頭頸穩始知

天子果無愁

陳良謨一首

良謨字士亮鄞人崇禎辛未進士除大理推官擢四

川道御史都城陷自縊死福王立贈太僕卿諡恭愍

順治中 賜諡恭愍潔有滇中集

全祖望甬上耆舊集公爲人木訥當廣座辨論鋒起
獨默然然其居官循分盡職於世間所謂黨部門戶
流品之說漠然不曉也時流寇鳴張天子倚督相楊
嗣昌以平賊嗣昌初負時望大用後日以外謬自其
用熊文燦鄉里縱之入蜀公以巡按甫至蜀猶以前此
寇塗炭鄉里縱之入蜀公以巡按甫至蜀猶以前此
人望謂嗣昌才可倚亦不知其將以蜀爲壑也初公
奉勅專任城守以備蜀王已而有監軍之命行問功
罪無所不豫獨劾撫進止機宜聽之撫鎮又受督相
節制蜀撫邵捷春亦良吏顧嗣昌不之喜欲誤其事
而陷之公時調兵食以佐捷春賊遷延東去復自
巴巫入楚嗣昌始終思撫賊公謂捷春當仍調兵合
東北一鎮以堵賊又言川中問道最多宜防詭計又
極言賊之不可無捷春既嗣昌不能盡行公言而賊
果乘虛自巴巫渡開新公恐其薄成都晝夜講守禦
之法賊偵知有備不復至嗣昌委開新之罪於捷春
有詔速問並奪公職令殺賊自贖公之受事也嘗奏
言督師寬心辦賊其功可就識者知公樸誠將爲嗣
昌所賣至是而驗及秦兵報瀘州之捷斬首千三百
餘級嗣昌夸爲大捷公覆按有瀘州之捷難官民無首
一疏極言秦將之欺罔乃知嗣昌之誤國而賊已自
蜀入楚襄王被害嗣昌聞自裁天子爲之旰食命公

留蜀以任後事再踰年始代還以乞假省親歸公之歸也同里林大行薨巷迎質之日聞公前此有獎武陵之疏然否公歎息曰良有之不知其方寸一至此也大行哭曰公從西臺出獨不知排黃石齋殺盧九台陷楊機部引陳新甲熊文燦耶公謝曰是吾罪也蓋公之醅愿有如此者田按恭潔事實史文不備余故詳錄謝山之論如此

陸涼道中

盡日崎嶇路前征又若何枯藤鞭瘦馬朽篔渡危波山暗堆雲樹途迷叢石坡披荆次荒野停午暫相過

汪偉一首

偉字叔度休甯人寄籍上元崇禎戊辰進士除慈谿知縣以治行卓絕徵授翰林檢討都城陷自縊死福王立贈詹事諡文烈順治中賜諡文毅

金陵詩徵孟進士章明顧錢塘咸建劉南昌曙皆公癸未同考禮閣所得士同死節

桃花潭茗詩

高根撐石罅破壁產雲英活火瓶笙沸清香肺腑生

金鉉一首

鉉字伯玉留守前衛籍武進人崇禎戊辰進士除揚州教授入為國子博士遷工部主事改兵部都城陷投御河死福王立諡忠節順治中賜諡忠潔有集

靜志居詩話思陵之去閣黨無異拔山曾不數年命張彝憲總理戶工二部錢糧出帑金別建公廨俾諸司以屬吏之禮見金公再疏陳其不可謂以陛下迪簡之臣而令其罄折偃僂於刑餘之子不亦羞朝廷而辱當世之士耶思陵卒不允也中官借驗火器劫公落職公笑曰吾去官遠此輩如脫蟻蝨垢賦之衣豈不愉快遂與諸弟講古文辭尤精研易理壬午七月晦讀邵氏書題其後曰甲申之春定我進退進雖

退時外而弗內退若苦衷遠而弗滯外止三時遠不
卒歲優哉游哉庶畢吾世又語其弟曰吾平生寡所
好視奔官如揮涕唾今以巡城每過御河輒留連不
能去何也卒沈於是從彭成之所居公志蓋已先定
矣

自悼

出門瘁我形我心實少息入門心勞勞誰云一室值妻子安
糲草忍厭高堂食春風迺栗烈毀我東籬棘

劉理順一首

理順字復禮一字湛六杞人崇禎甲戌第一人及第
授修撰遷中允京城陷自縊死福王立贈詹事諡文

正順治中 賜諡文烈有集十二卷

啟禎兩朝遺詩考宋元以來狀元及第死事者於宋
得三人何象文天祥陳文龍於元得三人李黼泰不

華李齊而明有五人靖難之時則有黃侍中觀土木
之禍則有曹文忠肅北京之變則有劉公而浙東有
余庶子煌江右有劉中允同升先後皆死國事此亦
科名人物之盛軼於前代者也
自靖錄山陰劉宗周謂京師甲申殉難者以時而言
倪元璐第一以事而言劉理順第一蓋以臣殉君妻
殉夫子殉父僕殉主也
田按劉公甲戌廷對策謂明之失策一壞於四路之
輕入而開鐵陷再壞於經撫之易局而遼瀋危三壞
於戰守之爭執而廣甯棄洞若觀火思陵親拔第一
甲申殉節可以答思陵之知遇矣

次林可任韻

乘間訪素契虛室宵陰陰于世無奢好惟書不憚淫任真雲
出岫適與鳥歸林一笑天機在悠然共此襟

出師與鳥林一笑天...

乘間揚素英風空官...

門外林...

...

...

...

...

...

...

明詩紀事

貴陽陳 田輯

辛酉

劉宗周 三首

宗周字啟東紹興山陰人萬曆辛丑進士授行人請

告歸天啟初起禮部主事擢光祿寺丞未赴進尚寶

少卿改太僕少卿移疾歸起右通政以忤魏忠賢削

籍崇禎初起順天府尹移疾歸廷推授工部侍郎以

劾溫體仁斥為民起吏部侍郎未至擢左都御史再

以論事忤旨斥為民福王立起故官疏論馬阮不聽

告歸杭州陷絕食死唐王贈少師大學士兼吏部尚

書諡忠正乾隆中 賜諡忠介有叢山集二十四卷

四庫總目宗周立朝之日雖少所陳皆切中當時利弊

一阮於魏忠賢再阮於溫體仁終阮於馬士英而薑

桂之性介然不改卒以首陽一餓日月爭光在有明

未葉可稱傲傲完人非依草附木之流所可同日語

矣自靖錄崇禎壬午廷臣會推吏部侍郎未當上意上

臨朝而歎謂大臣如劉宗周清正敢言廷臣莫及遣

文書官諫吏部用之起為吏部侍郎未至適左都御

史王道直病歸擢宗周以代掌都察院僅六十日而

襮職宗周歸至通州和友人韻志慨曰策蹇何所之

遭時亦云厄一步一回身四郊營壘迫大道直如矢

青天萬古關從此遂已而身後令人惜

西河詩話海鹽吳磊齋大常未第時夢一隱者來謁

口誦文文山山河破碎風飄絮身世浮沈雨打萍之

句詢其名曰我劉宗周也時磊齋尚未知公名心記

之及壬戌既第適劉公以儀曹郎知貢舉見之訝然

又二十年磊齋與公皆先後赴召每相見京邸甚親

及癸未以都察院見放磊齋始流涕使友道所夢於

公公亦訝然次年磊齋由吏曹擢太常殉國慨然曰

吾不可負劉公公後作甲申慟哭記凡十人以磊齋

為首其詩有云何人死後骨先寒二十年前夢底酸

謂此也

田按劉公叢山與黃公石齋以道德直節名海內仰

之如泰山北斗劉公以忤魏闖削籍歸舉證人社於

塔山旁執經門下者常數百人黃公以劾周延儒溫

體仁削籍退而講學於浙之大滌山閩之榕壇執經

者至千人卒之社屋國墟二公皆致命遂志明季道

德完人二公為稱首焉

過張灣 張從壽甯得名 新有李尚書宅

張家渡口灣如織絲水朱門望不極夾岸枝枝楊柳垂春煙

猶帶五侯色畫船簫鼓日紛紛得意歸來休論貧回首張灣

何處是不堪新說李家邨

陽穀道中辭春二首

病客傷春歸便休滄浪一曲棹扁舟抽簪及早甯非計不趁

東風歎白頭

野水荒郊屢問津浮雲孤寄一間身可憐陽穀城西柳不是
青青帝里春

黃道周 十八首

道周字幼玄一字螭若漳州鎮海衛人天啟壬戌進
士改庶吉士授編修遷中允以救錢龍錫降調復疏
陳時政斥為民用薦起故官進諭德遷少詹事劾楊
嗣昌等謫江西布政使司都事旋逮下獄永戊辰陽
尋復故官福王立召拜吏部侍郎進禮部尚書唐王
時進少傅兼太子太師武英殿大學士改吏部尚書
督師被執死於市贈太師文明伯謚忠烈改謚文忠
乾隆中 賜謚忠端道光五年從祀孔廟有漳浦集

五十卷

靜志居詩話詞臣無言責居无咎无譽之地需次待
遷而已迨石齋先生入翰苑與上虞同年倪文貞公
俱自任天下之重崇正去邪盡忠補過引裾折檻九
死不回先生詩所云親從霹靂推車過又得滂沱自
在春蓋實錄也及退而講學於杭則大滌洞天於閩
則蓬萊峽少長咸集遐邇具來監史主賓琴瑟鐘磬
庶幾瀛洛之遺風焉先生璣象之學辭義深奧後生
或味指歸詩才亦未免駭要其光燄不啻萬丈也
曲周路皓月過銅山弔先生詩云道德公自重文章
公自深若夫軍旅事似非公所在用違其才此百世
所惋惜者
蔡世遠二希堂集石齋詩歌不步漢魏唐宋而博奧
勳深雕鏤古健風骨成一家矣
居易錄黃石齋先生蔡夫人名潤石字玉卿工書法
與先生通似康熙庚辰春得其楷書律詩一卷楷法
稍雜分隸題云偶寄夏太守山中問警崇禎丙子
秋八月蔡氏玉卿書於石養山中詩多崇禎中魔道
語蓋先生作也
陳壽祺左海文集石齋黃公德性似朱紫陽氣節似
文信國經術似劉子政經濟似李忠定文章似賈太

傳陸宣公詩則岷奇獨造不施鞚勒所謂天人之才
獨立無儔
五石瓠黃石齋畫人初不知也臨難前作水墨大
畫二幅長松怪石極磊落
田按石齋先生通籍二十載歷俸未三年其疏救機
山回逆黨將翻之案劾無英主之精鑑復蹈猜主之
任籍再沈牢獄思陵既無英主之精鑑復蹈猜主之
寡恩牽連善類凶繫纍纍欲不覆亡得乎武陵既敗
先生聞之秋然曰毒瘡去元氣削矣弘光立以禮尙
徵先生與楊機部書曰吾輩頑石搗骨合藥無補於
天猶冀後人喚此藥氣耳蓋逆知事之無濟麾戈回
日不得不出此途耳先生論詩不薄李王而時蹈竟
陵之習有明末派如文太青倪鴻寶皆墮落此趣豪
傑亦不免余挾擇集中合轍盛唐也
上不僂凌躡魏晉而合轍盛唐也

王文成廟迎送神曲

折瑤枝兮擣瓊糜思君兮中阻飢播靈鼉兮揚靈旗矯欲來
兮何期大江橫兮大嶺絕射朝曦兮馬當發招余弓兮雲中

遺余珮兮木末雖無德兮心所知曾昔來兮安足辭露所生
兮雨膏之菊有風兮蘭與吹追鄒車兮抗嶧馬上天兮下土
時不同兮安得游登君堂兮不得語耿徘徊兮中夜

續招魂

禮魂第三

陰以風兮天晦晦將靈車兮不得屆波生兮江中路斷兮山
外靈約詞兮曷從再雲披披兮雨下來棘變變兮生車衣濡
足兮創飢予從靈兮方何期靈之來兮日蓋暮陰不開兮天
益下蟲號兮啾啾還嘈嘈兮不得語裂余衣兮江上樓渡深
兮涉淺望夫君兮不一反靈語兮切堂蕪草生兮雜以蒼翹
微風兮聲不揚靈迴車兮迅前速峻臨淵兮不得度君思余

兮栗以飄余思君兮然疑作施者固兮往者輕冰高兮水薄
靈來重兮耿余思汰以哀兮吹參差魚鱗鱗兮鳥下舞攀薛
蘿兮葺君所靈不安兮倏焉離余亦將兮離居山從從兮泉
漉漉白石生兮關余室靈從左兮間余右路差池兮曷同宿
衝風至今兮百草衰蛟龍藏兮君焉依來長楸兮顧余馬靈襄
襄兮擊余鼓佩不同兮縮則均思不一兮各及春桑虞飛兮
鳴鴟鳴冰泐泐兮水渙渙相懾兮蘭舟與君期兮河中流靈
之來兮前颺颺余從駕兮乘文鷺荷生兮蕙穗不及衣兮猶
得佩靈中疑兮邇則阻日皓皓兮間微雨語雖曠兮猶所親
室雖曠兮猶匪野折芳草兮舉辛夷思繁兮草稀蔓子生兮
何萋萋猿狖哀兮日昧昧霜未降兮露先戒陳琴瑟兮離以

歌靈不來兮傷如何

寤言二首

昆臺初息鬪投策方嬉遊四方生鬻心一旦叛數州絕轡始
再頓解冕爲兜鍪中身五十載甫有甯諸侯至治安可常至
道安可求刈貧逃爪牙玄珠如浮漚所重天明功未寒先庀
裘大君無吉凶日月靡所諷靜正持乾綱四海生春柔

崇邱多會薪洞川多會鱗君子秉虛冲四顧多璋人重華爲
魚販七友皆嶙峋尙有州支公及於石蒲民貧窮無禮樂討
論何所陳日月自週天眼耳生其身救世非庸流歷艱苦不
親華貫十六賢聊爲鸞與麟負輓登長途胼胝知苦辛

責躬二首

天地何高深日月相循環星宿陳其顛動靜恆無端舉翼不能翔而作醯蟻觀大命一以至不復能研鑽鬼神欲告之翁吸近若難傷哉草木類不得留朱顏

好道不入微閱物不至細影響自相答杳然無所繫大易重存身春秋本大義詩人多微思委宛出至意草草一世間遂爲穉與秕江漢下明河忽已失所恃

寄別卧子兼懷鴻寶

紹興使君萬斛珠隨風飛灑千流蘇文章經濟各大雅出之我口甯爲諛雲門蘭亭坐親切鶴子下堂啄碧雪客棹不敢閒移遊猶請老翁看五洩天下水無匡廬奇雁蕩無聲差勝之五洩壯險不可及安能過於倪公詩倪公與余最相契一

宇動有千峰勢每頌使君明且清董賈蘇韓失位置我行當過三閩江若耶溪情橫相縱迂回二千三百里不顧白壁黃金雙使君偶來再夜坐剡舟如鞋載白墮不知身在晉井中恍惚槎從銀漢渡倪公抱我如抱鷄五年兩過靈峰西一夕折杖各分去無情潮到難爲嘯聽君微談動四壁倪公新詩在小册匡廬水瀑雁蕩漸五洩奇觀走辟易只今天下多風塵明州山水清絕倫褰帷帶星亦閒暇蘭漿挂楫搖青春老翁西去洞庭水不著些涎弔屈子不死還來此中遊櫻團竹杖報知已

偶成

人情貴逸豫物外卽滄洲其奈人間世難從物外遊鶴歸松

子老雲澹琪花秋惟有畫梁燕呢喃春序留

入都知敵在灤永援師星散未集京營挑選不具諸帥
顧望無建斷後之策者再疏將上輟而稱詩

白馬烏桓道令支突騎來書生非不武債帥安能材乘障狄
山恥誓書張孟哀誰當千里骨愧殺築金臺

將發石城而楊機部適至

何嘗忘世事初不負君恩薇蕨青山路菰蒲白板門貧窮生
覺好放浪老難論彭蠡舊相送蓑裳涕尙存

西庫西北數間爲二周諸公畢命之處

昭代多君子清流此再清豈關門戶事動使鬼神驚迸命扶
中葉同游璨九京傳看芝草蹟鐘鼎羽毛輕

夏五大滌山中觀雨

此間唯竹葉不復辨松聲人下琅玕榻天圍翡翠城茶鐺新
火改研閣輒雲平談詠無多事西鄰鐘磬鳴

張鯁淵中丞漳南凱還餞於鄴山

帝眷東南宵旰勞素書先此展龍韜一匡江左歸微管八翼
天門試夢陶戲下旌旗新變色帳前風雨舊投醪坐教赤子
還牛犢半部饒筋靖海廳

武陵歎用方孩未韻

綸閣軍容動絳墀出車天子自題詩殿中舞馬看推轂日下
交龍覆畫旗信有皇威收撻楚可無彤矢告平夷繡墩玉饌
尋常事不數遼楊將相時

焦山寺中土中二銅像

落草故自佳
溷世共荒穢
寄愁與埋憂
忽忽五百歲

山居


舊事華陽清異天
世間今有冷神仙
空山木石私名號
盡在尊盧太古前

送張紹和

中身不任九州長
垂老能爲十畝翁
欲向君家乞桃竹
小山亦有百株櫟

思在華山頂

蒼龍嶺下少人來
鐵鎖春深滑碧苔
欲上嶺頭吹玉笛
長安不見使人哀



70047845

